

00560

温州府



瓯海

93.24

瓯海遗珠集校抄本

抄本

共 册 存 册 排架号 00560

是祇應來往漢江濱

見梅溪集

懷王龜齡

姜起字中

左原消息杳無聞
令我愁懷似亂雲
多病瘖詩兼廢酒
青春孤我亦孤君
要同學問文章樂
無奈東西南北分
况是小簷殘雨後
落花飛絮兩紛紛

王龜齡

王嘉叟

木蘊

之司過

小園用即圃植花韻

洪邁

節到中和暖尚賒
東風隨後起芳華
自慙醫弱松洪三
邊相對蕭蕭馬
五花老去醉鄉為
日月年來痼疾在
烟霞午橋別墅歸
公手早定淮西取
白麻

秦碑一紙并古詩
呈王梅溪太守

梁安世

公生博物好奇古
勸我搜求秦望碑
我來嵒陰且三載
夢寐頂雲俱馳事
非近代問父老
冀祖已來猶不知
或云其山多虎

狼困湫罅井蟠蛟螭魍魎木客忌人到陰霾賊霧迷羊歧樵夫
懸磴懼夫勢一落萬丈誰能走吾意此如鐘乳穴民昔畏擬相
請欺曩時山東之罌石磔碑入海無津厓固知秦人游戲餘非
民之利寧一時暇日登臨雲門寺僧曰若耶溪上奇山曰何山
勢最峻丹鶴夜宿天孫枝南望天台西錢唐下視峯岫如羣兒
李斯篆書真刻本昔人避亂此見之裏糧遂儲墨工往板崖費
木如鹿慶舉觴酌酒山之神千古呵護煩神司銷鑠僅存三尺
許龜趺就鑿山石為別苔剔辭隨手剝面背角推霜皮老龍
脫甲蛇解蛻鋪紙拭墨漫披離收藏入袖恍若失遐想往晉遂
嗟咨我聞太古功德盛鋪寫不盡乾坤儀詩書紙工自不朽金
石遂有磨滅斯秦皇不慕仁義業直謂堯舜猶瑕疢焚書欲蓋
前代美寧聞伏生傳有願後生不廢丞相書歌頌雖在背浮辭

惜哉此紙無一畫欲記存亡人應嘆他年好事繼追訪始願首
尼觀吾詩

送王龜齡自饒州遷夔州饒人遮道挽留公易輜由閒道
而去

何德猷

斷橋截鑑亦堪憐始信林門別有天微見兵機第一義朱轡暫
席廣文壇

以日者命狀寄王龜齡

唐立夫

試把流年仔細看休將蘊屈比鵬搏渠家大有回天力不易區
區作好官一見梅溪集註一見宗詩紀事

往浙西別王龜齡

孫疇

中原回首尚胡塵世事徒驚日月新羈放不堪頻作別壯懷難
在已甘貧南來求友傳三益西去論心有幾人別後夢魂何處

是祇應來往慎江濱

題王龜齡詹事祠堂

王 柜

當時孤論偶相同終始知心每愧公終見安車延綺季遽嗟石
室祀文翁百年公議分明在一餉紛華究竟空白髮舊交衰甚
矣尚能留面對高風

王龜齡詹事祠堂挽章

王 柜

諸老收聲盡佳城又到公蒼天那可問吾道竟成窮
旌卷蕭田雨蕭橫雲浦風今年襟上淚三哭萬夫雄
自注為祭酒別太史
皆令歲下世

和華水心馬騰歌

趙振文

昔年家住長安里春風盡日香塵起紛紛亭馬過綺陌買花人
多少人識王侯第宅多連苑牆聚若瓊藥敷丹房花窠近取馬
騰本曲闌高檻深容藏主敬對客少舉袖擊鼓吹蕭滿前後真

珠一斛聘國姝琥珀千杯酌天酒幾年農器不鑄兵兩耕雲覆
歌且行種花土腴無水旱園稅十倍田租平擘音來近菰蒲注
演漾迴溪通枉渚霜晴沙淺橘林明日暮水潭魚網聚東門故
侯應自許霸陵醉尉寧須怒何當學稼隨老農荷鋤驅犢田中
去

玉環山原名木榴山避錢王諱改焉

曾 覲

天寶風塵暗兩京禍從妃子笑中生玉環兩字真堪惜好與青
山改別名

故太子詹事王公挽詩

張 斌

大節原無玷中心本不欺排姦力扛鼎愛國鬚成絲方喜三旌
召俄興一鑑悲西風吹淚眼吾豈哭吾私
膚主龍飛日如公舊學臣忠言闕國許清節映廷紳歲月身多

外江湖澤在民當年遺直數千古更如新

湘中遇翁靈舒

戴復古

天台山與雁山鄰只隔中間一片雲一片雲邊不相識三千里
外却逢君

戲為妓山氏作 山氏永嘉人

康執權 伯可

昔日緜縈亦如許蓋道生男不如女河陽滿縣皆春風忍使梨
花偏帶雨

萬州湖灘寄王夔州十朋

查 齋

滿目暮山平遠一池雲錦清酣忽有鐘聲林際直疑夢到江南

甌江自笑

徐似道

黃昏茅店帶星入清曉竹輿蒙霧行客路三千五十對人猶是
說歸耕

送別趙紫芝

劉正之

夫君落落天馬姿聲名早與駕質白馳錦囊千首不療饑非詩
窮人窮乃奇憶昔聞君未識面獨傳句法誇清健竭來白下一
相逢傾蓋論心曾幾見劃然起柁春江流我亦江頭尋去舟人
生相聚會有別江水江花無盡愁萬事不如歸去好石田茅屋
生春草如君自是玉堂仙輕車緩轡長安道春日塵塵柳依依
攀柔條兮送君歸

同趙紫芝宿双嶺

杜耒

本作翠巖游反成双嶺留雲深山易晚雨過寺如秋野水連青
竹殘僧半白頭上方成共宿劇語到元幽

題獨醒小亭

王 琮

退食多留此備然一散襟涼從曉來覺秋向雨中深牆竹侵山

色擔牙雜柳陰有誰能載酒過我共幽尋

戲題林靈素畫像

閩清野人

當日先生在市廛世人那識是真仙只同學得飛昇後難大相隨也上天以上俱見宋詩紀事

泛瑞安江風濤貼然

陸游

俯仰兩青空舟行明鏡中蓬萊定不遠正要一颿風見府志

至永嘉極蒼作

尊酒如江綠春愁抵草長但令間一日便擬醉千場柳弱風禁絮花殘雨漬香客遊遠役役心賞竟茫茫

送王龜齡著作赴會稽大宗丞二首錄一

大將上兵符軍容倍掃除恭惟陛下聖方采直臣書忽報分司出遠尋入幕初宗藩雖舊識莫道得親疎見劍南詩抄

送温台

唐朱放

渺渺天涯君去時浮雲流水自相隨人生一世長如客何必今朝是別離

北雁菖蒲

宋陸游

雁山菖蒲崑山石疎叟特來慰幽寂寸根蘆密九節瘦一拳哭兀千金直清泉碧岳岳相發揮高僧野人動顏色益山蒼然日在眼此物一來俱歸迹根盤葉茂看愈好向來恨不相從早所嗟我亦能風霜養氣無功日衰頽

永嘉雙蓮花

宋楊公濟

昨日采蓮者双双橋畔新舊花今不見喜見似花人見梅溪集注

真柑錄

宋韓彥直

柑別種有八橘別種為十四橙別種為五凡其類合二十有七而乳柑為第一故溫人謂乳柑為真柑謂他皆若假設者而獨真柑為和爾且溫數邑俱種柑而出泥山者尤傑然推第一予北人安得所謂泥山者而啗之又故事太守者不得出城從遠遊無百領客入泥山香林中泛酒其下而客乃遺予泥山柑曰為之譜見淵鑑類函

送周直夫教授歸永嘉

宋范成大

青燈相對話儒酸老去竊遊自鮮歡昨夜榕溪三寸雨今朝桂嶺十分寒知心海內向來少解手天涯長難一笑不須論聚散少焉吾亦跨歸鞍

送琴客許揚歸永嘉

前人

烏帽休衝九陌埃瘦藤定到秋迴龍湫鴈蕩經行處斷取松風萬壑雷以上見石湖詩鈔

和梅詩次韻贈王龜齡

宋胡銓

南山舊說王隱者北斗令看韓退之不須覓句花奩眼行見調羹酸看枝見王梅溪集注

贈王龜齡

宋陳謹正仲

淵源詩老杜體物陋西崑見梅溪集注

次韻王龜齡省中黃梅

宋周必大

化工未約餘醪菊先放細梅伴羣玉幽姿著意幕鉛黃正色何心輕萼綠妝成自淺風味深對此寧辭食無肉可憐浩翁被渠惱中箴梅屏梧杓醉見廣羣芳譜

題雁宕圖

明宗旭初揚

祥客探奇千里遊石橋寺裡正逢秋深松路僻人烟少惟有寒
泉不斷流見說鈴一見聲雲樓雜說 全浙詩話寒作老

謁文山祠

明 邊 二頁

丞相英靈迴未消絳帷燈火曉寒飈黃冠日月胡雲斷碧血山
河龍馭逞花外子親燕市月水邊精衛浙山江潮祠堂亦有西
湖樹不道南枝向北朝見明詩別裁

送元輔張羅山

明 世 宗

拂暑金風動宸裳滿天商吹送新涼農家萬寶收成後十里送
遙脚禾黍香見古香齋洲鑑

弔吳太守配封孺人陳氏誄言見灑淚篇明 注天合

長沙人 翰林

百年會有死人世戀須臾寧如女子身思愛翻捐軀或匪難罪
人原不掣悲哉結髮志誓與君子俱夫行蹈不測帝遠天難呼

百身如可贖一死寧踰躅義烈動明主貞魂似恬愉秉臣幸生
遠死者良非徒蘇文典董髮青史安足汗幻形復何有非幻乃
不渝精誠宇宙間萬變隨所趣願言訴上帝群小稽天誅惡毒
歸一人四海同嗟吁何當就織滅一舉萬姓蘇聖德日月光有
道終無虞

贈李季和

錢唐人張 兩元

孰與言詩李髯叟載聞新作過黃初 左浙詩話

又題黃子久山川水軸

由來老筆荆關輩施粉施朱笑後生

寄陳庶子秀民 泰軍兼簡饒介之郎中

元 陳 基

楚天漠漠水迢迢千里懷人不自聊帷幕喜聞延曲逆行問泰
竊事嫖姚江空不採芙蓉寄歲暮惟歌桂樹招華蓋仙人如惜

問為言辭南近多消見全浙詩話

弔吳太守配封陳孺人殉難

明 李應昇

虎冠者何雄一紙雷霆薄檻車躡飛霜志士矢溝壑慷慨丈夫
難何乃碎未魄捐軀代君子從容酬風諾一死悟聖明孤臣生
有托血碧謝緹縈英靈塞廟廊只今湖濱虎跡稀悲風夜夜愁

雲落見灑淚篇

思舊操為陳宜中作

宋 金履祥

炎方之將大地之洋波湯湯翠華重者方獨回天天無光此志
未就死矣死南荒不作田橫橫來者王不作幼安疎死其鄉欲
作孔明無地空翱翔惟餘箕子仁賢之意留蒼茫窮壤無窮此
地長千世萬世間者徒悲傷全浙詩話

贈夏元鼎見仙釋傳

真西山

龍虎山前形勢異祝融峯上遇真仙觀君早辨駭靈事莫把天
機漫浪傳見全浙詩話

題趙紫芝墓

墓在黃巖寶嚴院

宋 劉克莊

奪到斯人處詞林亦可悲世間空有集天下便無詩盡出香分
妓惟留硯付兒傷心湖上塚誰葬復誰碑

書六君子時事

宋 胡及隆 子明

計傳道路亦歎嚴家繡堂堂入殿廬無父共為天下戮愛君爭
獻草茅書冰山左右皆依李風節經筵僅有徐安得董孤千載
大書忠孝砥民閭

壬辰歲八月自台州之永嘉度蒼嶺

府志有

劉基

夢草堂遺懷府志有

在永嘉作

高屋集飛雨蕭條生早寒
我來復幾時明月缺已團
浮雲蔽青天山川杳漫漫
狐狸嘯悲風鯨鯢噴重瀾
孤鴈號南飛音聲淒以酸
顧瞻望桑梓慷慨起長歎
願欲凌風翔惜哉無羽翰
中夜百感生展轉不遑安
枯荷響西池槁葉鳴林端
寥寥天宇空再時節闌
舉俗愛文身誰識章甫冠
冠河流未到海平陸皆驚
滿旗幟滿山澤嗚呼行路難

萊邇為永嘉余唐卿右司賦

徐黃

遠辭華屋居來卜山陰
宅乍到俗未諳久住地旋闢
屋廬尚朴純楹榭雕飾高
營踞山附深莞逗泉脈檐
將狼尾苦門用氣覺織缺
垣唯補蘿北砌總蒙鶻編
籬限甬道鄰封枿表珠場
本來是野性豈是耽地僻
學圃欲擬樊為功敢伴稷
寧惜勞外形自甘食餘力
耕鋤限兒課澆溉當僕役
破塊何啻的凍器亦晏

曼駕許俗士回屐向鄰翁
借管管織相材鉞鉅案液
卓鑿鷹幣利負叢蝟毛磔
俯仰疲枯槔沾灑漬襪循
畦行策鏡偃林卧散石鐮
披欲芟立刈削竟驅礫值
章即為坡遇凹就成血堤
崩防密葭實隙拒亂棘地
同農畝計區學井田畫長
吟縱復橫曲渠廣遠窄接
流引餘清疏沼應滙深碧
穿桁秋實垂籬落夏蔓暮
雨露加膏腴蓋土發磽瘠
識種題裏藏辨類分行植
蔣法帝按譜候時即看曆
葭芽拳握紫薑檠掘駢赤
雨合憐藟葶莖生爰鉞芟
初菘迸整雷新薑長春菽
雀弁莨葉鹹馬帚苜莖直
蓋繁微迭絲瓠老枯辦折
芍苗卷龍鬚藥斡擁牛膝
黃獨雪晴收紫葶露稀摘
陰階葭蒹荒下田豐菲蔥
卷輪木耳垂攢刺菱角射
秋茄米更穉夜韭剪仍殖
芝芳凝海瓊芡鬱點墨枸
杞香可膠竹菇菇熟堪腊
石皮被柔潭土酥膾肥葍
細蕒入饌鱸鮮

萋雜羹鯽茶苦檠與儔恭脫水為敵菌撫西蜀致苜蓿大宛得
長榮苻帶流亂簇陳絲繹芹效野人猷瓜為天子副决明綠一
方蒿苳連教席瑤縻慰渴心玉延起羸疾葦毒笑非喜芥辛泣
詎戚盤根芽蘊壤脫穎笋穿壁擷香憐雞蘊折甘嗜燕麥粟腐
切方圭乳餅斷員辟孕子梭受刺贅明石被截兔日陶夏槐鹿
角芑臘炙菁記諸葛呼菜以元修斤諸葛元修菜名覓藜葵守清微
怒周節逆抑蒿義所振穢妄理堪啞薄利嘉拔葵省謗惡遺蕙
窮梁餐蠶腹黃儉咬蓮留白閉情付田園生意仰清澤莢齊翠
疑剪甲折綠訝磨掩冉煙階姿蔥菁雨餘色始擬惜澤染載潞
畏蟲螫新薦或在選薄相亦須高求久漸投醞致爽遽沃聽不
煩僚友送敬向先聖釋對屠誇大嚼燕客忻小摘梓羞不過三
甕苳當飯飯百未能著蔬經安敢踰食藉旨蓄足山厨素供道

香積用前卒歲年庶得勤朝夕賓魏徐見厭厄陳顏自憚潔羞
上耻汚造橋盜懷恤抱覓念設機授書起求益用庾居房事縱馬
因致憂吞蛭遂亡謫萬錢柳復乞片金華遂擲任知呂姪安居
味鄭人識枕肱仲尼樂傷指范宣扼鼎臍固云嘉食單亦足適
教沒分所安可味欲易極母日口體累遂使愆民德

送張景則歸台蕩

浙江東去有名山路遠天台雁宕間我未得遊空張望是君鄉
里喜君還

永嘉縣齋寫懷

文林

墨綬垂青絲銅符寵郎秩駕言謝朝行出領滄海色脈脈辭親
知依依去鄉國漸行僅千里已在東南僻地遠煩刑謀年貧正
艱食自顧書生愚曁堪付休戚流移已懷慚征斂况余職平生

跌宕懷雅志山水適及此東嘉遊清真信靈域豈無康樂情坐
有民社責斂板事承迎鈎稭困文藉拂意不能歸自媿陶彭
澤

寄題永嘉王陽德陽湖精舍

張佳胤

招隱豈在深智者東徵尚伊人卧陽湖幽襟謝塵鞅丹霞遶崇
楸南北兩雁蕩萬象厲景光凌緬非一狀鴻夷任所之滄浪發
高唱扁舟就何時逝將剡川放

江心寺除夜

陳第

偶過江心寺何期又歲除百年俱逆旅信虛即吾廬岸隔遙沽
酒厨寒刺煮魚客游隨處好鬢髮任蕭疎

遊江心寺登康樂亭子

牟嘉叙

輕舸疾奔浪水國散微陰沿洄眺孤巖寶塔凌双岑茲遊風有

期始得遂幽尋洲室接梵語花臺繞龍吟澗漾元氣中日華映
珠林謝公有遺跡孤亭俯江潏曠懷寄玄賞海嶠振徽音清芬
詎可挹高情傾古今西堂夢不返池草春自深

同方用晦遊西谷

蹇裳涉西沚披莽散輕屨稍觀山川異煙火隔墟落沿洄傍溪
曲窈窕入窮壑幽尋萬可捫掩暖路疑錯巖雲冑巾幘霏翠洒
林薄汲深俯重淵采秀跡崇嶠坐聆伐木音益感良遇樂返策
復流愁道遙展歡譁眷茲立園賞胡為就羈縛

東甌曉發

明孫臨

際曉連檣挂席同不煩邪許喚篙工沙頭宿鳥飛逾白霧裡殘
燈蹙不紅半嶺霞殘茅店雨一江潮響石門風閉雲片片藏孤
峽不鎖寒流日向東

夜泊鹿城

明陸世儀

渡頭星月暗離思滿歸舟此夜聞風雨山城一片秋

送姚龍文還永嘉

明朱埜

百卉懷芬芳當春欣所觀時風和且柔好鳥鳴其間萬景何熙熙我思獨盤桓良友當遠別惜此會面難握手臨郊衢一往莫可攀願得少須臾言笑暫為歡毋金玉爾音慰我蓬蒿顏

分水關

明江浦客

一道泉分兩道泉層層松栝翠蒼天鷓鴣聲裡山無數合向誰家草閣眠

題孤嶼文丞相祠

明應鏞

千載淒涼說景炎誰將遺燬托啼鵲真州夢斷三更月淮海帆回一旅烟自信立君猶有後那知行地總無前先生欲了綱常

担不管人間注逝川全浙詩話

夜飲余左司宅堯臣

明高啓迪

燈銷月窺闌角驚警霜委砌全浙詩話一見靜忘居詩話

沈別駕元夕會飲城南

故人念我有二子者內即官府中佐全浙詩話并明詩

春日懷余堯臣

列戟衛嚴闕應無休沐暇

雁山峯洞壑壑之勝水石之奇雲物之美多在靈巖予往

臨眺迷景散懷

明孔天胤

紆纒試迂委塗迴策亦尋壑過湖厲潺湲攀崖凌峭壑步滑苔已沉手援葛猶弱磴竟造幽禪山平臨化閣列峯非一奇芳林紛沃若空水望如烟絕巖鷲欲落深洞海冥冥曾城天漠漠雲

物倏然改霞氣時間作景與玄閣并跡乃靈仙跡將乘琴高鯉
武馭王喬鶴以上明詩錄

江心寺文信國祠

嘉興徐伯齡

孤嶼浮江面寒潮撼石根遙遙箕尾外何處可招魂

珠簾洞

秀水馮夢禎

帝遣銀河垂虛簾蕩空綠我欲買娉婷問泉乞三斛

惡溪道上閒猿

王士性

惡溪不可陟地險亦何心石觸雲根出灘迴屋窻深驚霜沙際
白落月渡頭陰豈異巫陽峽清猿兩岫吟

靈峯

長州皇甫游

靈峰望縹緲疑是接層城梯繞丹霞入人攀碧樹行洞門山日
落石室海雲生何事吟招隱空令猿夜驚

經進鹽場圖詩錄一

莆田彭韶

兩浙山水鄉古稱天地藏西望出吳淞東行踰雁蕩利空非一
塗鹽征為海王泉布充京儲芻糧助邊餉庶哉用物宏生意不
復觴薪桂為炊玉晨昏增感愴敵屋棲寒蘆新舍倚孤嶂懷土
思依依承家如草創

題山水贈楊懋節節錄

泰和王蕭直

郭純永嘉人善畫自疇昔興來展豪素滿眼絢金碧永樂年中
獨擅塲拜官得在內作坊時時承詔恣點染九重出入生輝光
洪熙改元初進位閣門使常言酒後妙入神傾倒壺觴不知醉
供御之外頗自珍一筆豈肯輕與人忽持此福來贈我今我生
憶江南春

瀧湫和韻

義烏朱世濂伯清

竹外浮僧煮茶草邊風暖鹿眠沙青鞵何處看山岩瀑布巖前
數落花

哀余左丞

會稽梁闕用行

世人孰不死死義心所安苟非明至理捐軀誠獨難偉哉春陽
公忠義膽肝伊昔秦朝命宣慰淮西藩遭世方板蕩荆襄肆亮
殘公時在安慶寧思視民患率衆力拒敵奮怒髮衝冠抗節守
孤城援絕糧饋殫勢迫不獲已慷慨就清瀾妻孥亦同逝耻受
污辱于我昨聞其風慨然羨長歎丈夫有如此何媿天地間速
繼張許流千載名不刊

量田謠

休寧吳斌

朝量水田雪蒼量山田月青山白水人如雲朝暮量田幾時歇
尺田寸地湏盡量懸毫增入毋留藏時瑞時雨欣時康我民欲
報心未夾年年增賦輸太倉安得長風天外起吹倒崑崙填海
水更出桑田千萬里以上見明詩

答余新鄭堯臣

前年吳門初解兵君別故國當西行有司臨門暮驅發道路風
雨啼孩嬰倉皇不敢送出郭執手暫立懷憂驚我時雖幸脫鋒
鏑亂後生事無堪營移家江上託地主閒園借得親鋤耕春朝
起沐日髮屋野卉雜難發烏鸛鷓思君萬里不可見對此涕淚
如盆傾有壺當軒忍自酌有句在卷邀誰評走投北郭問消息
一客為我言分明君初隨例詣闕下有旨諱徒鍾離城齋無囊
金從無僕棄家獨去何憚憚長淮黏天趣前後渡牙眼怖客浮
鼉歸到州鞠躬謁太守脫去官籍儕編氓城荒無屋寓來客旋
乞廢地謀遷荆吳卿何人血同患意有楊子兼徐卿日高破竈

烟未起閉戶不絕哦詩聲去年聖恩念逆客特賜拂拭加朝纓
初君赴汴聽鈴擢路算舊驛猶千程沙河無雨夏雲熱郊葦夾
岸多蚊蟲舟中感痛得下泄及攪腸腹間可嚙荒塗無藥相救
療伏枕兩旬幾殞生終藉神明佑吉士疾勢漸脫身雖輕一官
署作新鄭簿捧檄已去詢田更找雖歷歷聽各語虛實未察慶
難平初春天子下明詔欲募前史羅儒英菲才亦辱使者召辭
謝不得來南京日斜出局訪君舍草滿陋巷春泥晴入門小女
識父友延拜學許艱難情且云父急念家遠新遣兩卒來相迎
頭史出君寄我札上有秀句如瑰瓊自陳前事頗一一與客舊
說無虧盈讀終呼卒問彼士卒言幾年經戰爭河山蕭條縣雖
小民少茲許多淳誠春秋古稱節子國溱洧水活魴魚賴唯免
吟咻草間走雄雉角角桑顛鳴谷深稀逢種田者時有射戶樓

小棚霜天赤棗收幾斛剝食可當江南杭官來撫民務無事鞭
挂壁上無敲榜寒廳吏散獨坐嘯遠對嵩少當檐楹聞之難抱
頓舒豁如汲清露醒朝醒便因卒遂寄君語此邑小鮮聊試烹
幸逢昌朝旬旬自棄願更努力修嘉名吾皇親手擁高鬣灑掃六
合氛塵清海中龍宮已入貢隴外戶版初來呈大開明堂議禮
樂學士濟濟登蓬瀛太廟冬丞薦朱瑟千畝春播垂青絃用材
不肯略疎賤銖寸盡工天官衡沉君磊磊落抱奇器不異一鷄秋
空槓豈容以屈簿領下天道始塞終當亨文章期君歸蕭蕭浩
問報政何時成

答僧道峯東甌紀遊詩錄四

釋智蘊

急速官期非等閒謝公嶺外曉開關龍湫最薄芙蓉路不為青
車看雁山

山亭每食候鳴雞不住猿聲在崦西一任虛空穿窟竈到頭霜
月落前溪

霏霏山雨月明樓蓋蓋香正春秋盡意淹留餐一飯震寰谷
口又登舟

曉窓駕粟羊含安嬌似楊妃睡起時一宿草堂人去後滿庭香
霧濕茶糜

甲寅閏夏變永嘉令以公瓊興溫處道陳公丹亦同時殉
難馬公子觀蔡君陳情得謚忠勤賦詩以紀其盛

國朝沈元滄

一官迢遞到巖疆閩海烽烟正擾攘比日陳締終員漢同時南
八自忠唐三年亂定開家祭兩字名尊慰國殤廟社靈旗應儼
在清逸千古戀同鄉

兩洲妹適東甌段氏詩以寄之

清郭娛

姊妹經年別吳甌千里餘啼殘襟上血望斷海邊魚對鏡思雲

鬢日風寄素書書中無別意惟恨久離居以上見全浙詩話

嘗讀王梅溪集有年逾四十尚何堪之句依韻續成二律

孫國珍

年逾四十尚何堪自笑謀生無一語瓶粟長空甕拙婦園蔬學

種任痴男每貧士聊資祿却媿悞親未有廿歲月虛磨人易

老那能作繭效春蚕

年逾四十尚何堪久歷人情應亦諳無以為家身作客不如歸

去膝盈男途窮已識羊腸險舌在寧忘雞肋甘今是昨非渾未

省歐然難比托筐蚕

遊靈峯寺羅漢洞至一線天

李繩

仙洞拔地起怪巧天匠鏤披蒼寄仄徑尋異得幻靚蓮瓣西崖
裂佛掌一罅漏上梯井章綆下坂簷墜雷同行挾山僧驅歷互
牽就倒退尻高胸直進趾壓首隨步凍戰兢履險無鞭仆人洞
轉瞻如板屋成結構石榑挂珠簾泉乳孕巖竇僧床狙共眠佛
髻薜爭績枯坐了聲聞歸雲翳冥岫

兩後過平陽縣

命注時奉
泰安

武進錢維城狀元

兩道空翠滴風轉弱雲依一路各花發山春鳥啼人家斜崦口

城郭夕陽西不信塵中得行行惜馬啼

十六日晨達温州

錢維城

潮馭三更落風平一葉輕晴巖明晦色寒樹雜江聲鳥語喧山
寺人烟護郡城為耽遊興好遲爾半帆程

登樓

萬樹斜陽迴西風滿曉樓海雲多作兩山氣易成秋歸馬高城
暗殘碑古寺幽披襟聊騁目暝色一窓收

初夏與張潛齋顧清芳清濟清標徐鳳來管余諸生遊藤

湖集護法寺以茂林修竹清流激湍分韻得茂字盧錫

香草生幽澗世外匿深秀曲曲尋湖源蕙以靚柔茂羣時當夏
景交衆山紛綵縹遠水中姿類香襲稟日造松竹林歡焉酌
醇耐村濃深綠浮座寂毓絃奏沉吟各支蹟散策羣引脰檻泉
弄珠琲石屋蔭華構日永任游衍源遠失窮究自注欲尋深龍潭上清處若若
好月送歸舟餘霞橫翠岫回首白雲深幾時重邂逅

永嘉

南康謝啓昆

到處題名翠壁間家風賢守六朝山年未無復西堂夢池草經
霜兩鬢斑

勸災紀事斷句 曰臨曰黃太與寧沿海民居遭蕩折怒聲幸
逢孤嶼上猛勢不向温溪折自注是日大汛而温州潮不到日
上特之蓋勢阻也

度盤山嶺望雁蕩諸峰而止大荆旅嶺

此邦南域飛盡山勢驅入海岫強屹元氣雕 剝出直宰與焉

下嶺刺天接眼益繁靠攏攢百青蓮朵朵吐蓓蕾春空媚雲物
醞藉固有在應知太古前猶未混沌改卒見無急驚山靈詎相

給詰朝果此游須鼓脚力倍姑去夢烟村稍伺雨聲急

曉度馬鞍嶺曲折行道湖中從剪刀峰下入觀大龍漱遂

龍龍漱斧前人

一殿道場美鏘佩披鶴覽穿逕雲共飛濟險鳥同上東西並石
出高下一泉響方愈寂岩幽漸生朗温相信黏履窮翠嶽盈掌
微聆鸞鳳嘯達窺壺嶠唐折入最深處高挂五百丈近流無定

姿變幻非一象直下波注馬散道豁劃槩勻圓蛟人珠熨貼織
女紛蛻蛟龍纏空濛霧露放或為風所逼欲俯旋遂仰或為
石所觸始直中迤在或疾若雷轟或細若鳥吭然瑣洞度張鼓
鐘太廟饗日濃霞綺蓬壁古虹彩長頸寒不敢逼目暈難屢仿
免說萬派歸坎閏一潭養虧盈河漢準消息混沌想虛山真斯
避天台詐龍兩凌流餌碧花疏石攪宿莽悒悒厓邨邱招踴躍
孫狄靈任遵獲負觀洗心韞靈賞移情將所終督眼遠成曩聊
茲李白遊未可詐那往愴彼留衣人置身猶土壤

自注蒼有加靖間薛方山碑記漫憶不可讀後有七律一

首頭聯云有悟不須相對面無緣猶自留衣蓋徐階詩也

出能仁寺踰四十九盤晚入芙蓉村 王又會

亭午雲未歸琳宇危尚眩廣幄舞天雞壞檻臥仙犬登頂悉真

區首塗仍峻岷延勝草徑微娘娘爲燕象策聲折始漸高再旋
復塵轉壘盤針嶺脊楊揚凌劍棧趣苦貴難音留蹟危情莫展
回眺二靈雲糗糊夢成昨日及猿嘯喪哀春深鳥啟歌善藥草
舍綠夷漢魁洩清覽澹漫墟烟青陂陀春路行雖惜佳景聯暫
止僕夫喘解裝曉宿雨脫履剔荒蕪稍待芙蓉開秋風約重寧
易松澁招集抱山堂偶話龍湫舊遊同人輒為題龍湫宴

坐小景余亦繼作前人

平生邱壑綠頗笑謝康樂經行履幽邃双徧為佳處看雁山時
東南海氣所噴薄千峯青瘦聳才立必前削二靈尤環富外視
若郭郭自非窮幽險面目罔約畧龍湫互耳熱熱凌晨勇腰脚
盤迴嵐翠交迤邐苔運拓一登忘歸亭坐怪巨壘鑿飛流五千
尺劈面向我落其上星月栖其下蛟龍躍支派析銀河宮商諧

廣樂於時春向深雲暖舞双鶴漫山繡芳草踏處詩靈藥醫容
腸胃洗遂就塵坐縛指條十霜髻絲異今作昨殘春展舊圖
卻顧成錯愕舉固非戀嫻觸物逾波泊滿座聞爭琮並荷清風
作為言諾尊者終致遠山約並見丁辛老屋集

龍湫宴坐圖為王穀原比部題

長洲朱蒞茶桂弟

浙東山水首雁宕鏡天絕壁森崢嶸傾崖削芳露奇狀老樹礫
柯撐空脰朝嵐夕霏互虧蔽中有飛瀑聲琤琮或如層雲洒暮
雪或如急瀨奔秋瀧或如殷雷劈巨峽或如疾雨衝哀涼或如
千官響珮珠或如萬騎交矛鏖或如漚絲繞練帛或如引索懸
尋撞擗頭亡見目掉眩入耳更覺神增懣吐乳造物劇好事作
為此并驚駭卷我聞諾詎羅尊者曾結紺宇凌煙鏗法雲時履
貝葉卷香雨恒繞蓮花幢迦凌翻飛刷毛羽簾藟娜婀開珠璣

千秋絕境罕人到坐使潤道生蘭汪王君本是烟霞客設詩學
佛真無双弄出不惜桑屐端陞險那供藍輿扛棕屨布襪足濟
勝杖策一逕沿危杠荒榛幕麗竈枝鹿散焚竹蕭瑟鳴鷺危道
逢野樵氣象古時遇老衲容顏厖趣塗縹緲清梵響入寺司磻
晨鐘撞壁間僧衣挂白氈座上佛大明銅釘四門迴向方未已
傾聽驟覺聞砵語忘歸亭上一凌緬始信絕景雄南邦山源地
瓜不可測跳珠濺玉長澗澗石梁盧牟身未到此已使心神降
獨憐勝地久寂寞誰人過訪聞音筵但當拂衣永棲託杉皮屋
子開桐窓夜汲寒泉靜聽瓶盞曉引危溜滋耕穰閑從尊宿共
敷坐棲隱豈羨襄陽龐生平頗有物外賞秋水息景言非曉華
嚴天闕有夙好思令歲月同奔駭謝公遊興倘可繼擬趁晴日
浮蘭艘披圖題句三歎息夢魂飛渡橫陽江并見雅材堂集

能仁寺看梅

武康高文舉人

雲消烟岫青雨止風潭碧侵晨步祇園鳴鐘花外隔精廬掩修
篁小磴通双屐討春愁白堂方丈名世界一晴白林深雜鳥弄逕
古斷人迹想際月朧明清影上瑤席開士情未忘淪茗歎吟客
願此無垢體得遊衆香國睇髮双樹間裴裏竟芳夕一笑逞破
禅落英紛裝顙著澗清山房詩錄

夢遊雁蕩山歌東汪少山丈

嘉定金慰祖拔貢

我聞雁蕩之峯百有二精藍十八青螺巔謝公好遊屐未到層
崖半擁兜羅綿東甌地勢瀆滄海鞭石駝山仗真宰龍淋百丈
掛珠簾似與天台爭竊靠先公往日曾專城芙蓉鑿石留題名
自注丙寅秋先大夫有游雁蕩諸詩二十餘年已陳迹憐我選
同吳副使傑亭刻石芙蓉村下

勝徒情殷浮溪詩翁矚世才昨朝筇杖東南來為言絕頂見湖

雁十谷八洞窮，雁兔羨翁振衣歷。孤迥未得相從，遍靈境酒闌。
日暮夢茅龍，月明飛雁度。丹房芳嶺氣高寒，天碧梯巖崦四十。
九壑倏眼底，石梁橫巨雲。清端蓮花芝草左右，迎玉女天樂鸞。
鳳聲羣星搖搖，若可摘。羨箭草立雙嶺，噪指靈峯之磴。巖凭淨
名之軒極，神龍噴水雷。雨急隨風變，幻天瓢傾羽旗爛。漫展未
揆藥杵時和哀猿鳴洞，天石門呀然寂啓。双娥二八，銖衣輕紫。
蕭乍依芝蓋。轉仙人冉冉來容，成千紆百折。巖岩數椽倚
壁三重茅道逢，陳覺莞爾笑。贈我紫蒂綃紋，桃斗城縹緲。甌水
迢迢鐘聲聞，起松花徐飄。極暎滄溟一椀耳，天雞夜半鳴寒潮。
萬峯紫翠瀟深淺，紅輪騰湧蓬萊椒。浩歌一曲發遐想，逢逢湖
底迴長政。方控鶴翎更西去，冷然行訪黃巖路。風馬雲車乍有
無，驚迴清夢雲窗曙。紅粧枕畔雁聲高，不知門外烏啼樹。下竹

潤白雨潭比中山水心，所語青鞋布襪終。幽探期翁他日徑，携
我合掌峯下尋雲壘。若綠雨山房吟稿 按慰祖字純武号蘭

過觀音岩

會稽梁國治

石壁立水外，風濤浩洶何年巨。靈壁幻此金蓮湧，豁舒豁幽
竇液澀垂乳。漣飛空上危梯，萬象羅森聳。此澄潭空，心願倒景
羣山控江帆。日暮搖回首，蒼烟重一聲清磬。鳴工界香雲擁
自芙蓉村度，丹霞嶺至龍仁寺宿。無錫孫永清舉人
雁山出天構，乍到口口口。興信幽討蒼川渺，東注邨烟絕。虛
谷石瀨楫芳渡，口口口。通峽轉鳴淙，互扶携藉僮僕。偃倭接跟膝
悶逢涉，口口口。步峻嶒到絕頂，木杪怯遙顧。蒼峯谷內峯，材立通
口口口。凌滄洲莽蒼，截雲路氣象生萬千目。胸已非故倏，口口
氣濃晝晦浩，傾靈一徑入琳宮。松杉夾衛樹陰絕，絕坦夷。口口口。明發

欲再登孤嶼

孫承清

江上交氣候金風被蘭渚
春琳宇仙舟幸同携曉吹
豁鼓瀾瀾出日是時迴怒潮榜人暗無語聲喧千石鐘勢
弩超越匪尺尋端倪辨銖黍才蓬矢豈賦何必弱水
翻憶前度來目成渺何所心逐虛舟游蹟謝短筇挂脩塗果費勞
噫氣空滿怒稍忻即次安已慰登陟苦寄謝海上鷗忘機久已取
著寶嚴堂詩鈔

水簾洞

黎簡

千百石疊迸瀝此一簾水清寒先迎人去此高一里懸雪薄不
破奮雷伏難起靜極入山客雲水勞未已想見洪荒未全湧
至此崖藤老盡力石樹凍半死棉裘稜稜鐵骨戰及吾輩投脰
出陽河回顧有生理

曉過四十九盤嶺至龍仁寺

阮元

曉程將何之四十九盤嶺高盤愈反曲折緣修綆肩輿未及
上相顧色已蒼凌嶺感回棧心怯息尤屏平生磊落懷到此不
敢驛既登丹嶂高坐見海水永日雲湧潮聲初陽生樹影越嶺
下西谷倏忽闕靈境弄變出恒情震蕩不自省行行至招提出
籟泛虛靜中慄既已平嵐重衣裳冷

馬鞍山

林薄無疎景川谷蒼回互崖轉得新蹊境深忘舊路延緣入東
谷修嶺誰可度盤磴引高情飛泉入危步洗雲散靈風萬石盡
豁露停策聊憩息于焉蔭嘉樹宿心既申寫景物相招遇徘徊
下層巒嶺脊難久住

登靈峯望五老靈芝諸峯

雲外日已頽游者殊未倦復谷宛以深羣峯闖然見參差各肆
立戎削盡成光夏岫忽中空直罅裂如線凌厲出林表蟠逕將
升輒三休始及上九折石猶旋當門飛冷泉入腹抗高殿奇觀
意已驚靈迥情彌戀靈芝若可采吾將問仵羨

大龍湫歌用禁體

山迴路斷豁谷窮林湫陰閩龍所宮眼前無石不卓立天上有
水皆飛空直落一千尺鬼神不任踈鑿功絕壁古色劃泉破山
腹元氣冲漲通涓涓靜注絕不動義輪下巽神如和融有時飛
舞漸作態已知風障生微風一甌春茗吸已盡水花猶復搖玲
瓏颯然乘颺更揮霍隨意所向無西東不向尋常落處落或五
十步百步皆濛濛豈料仙境在人世誰作妙戲惟天公雲烟兩
雪銀河虹玉塵冰霰珠簾樞世間變幻那足比若涉擬議皆非

工石門飛瀑已奇絕到此始歎無能同惟有天柱矗立龍歌中
突兀萬古爭雌雄

試雁蕩山茶

嫩晴時候焙茶天來試天台雁蕩泉十里午風添暝渴一甌春
色門清圓最宜蔬筍香厨後况是松篁細石邊玉茗遺編須記
取我家多種此山田自注湯暹種云雁名山志有此詩曰首尾
四句不同故錄之種茶人多性虎

晨剎石佛寺

元和殷如梅

空山多清響夢覺悵幽獨起看朝日升露光泣衆綠羣芳襲人
衣孤雲娛我目樸唱聽遂失隱隱在深谷靜對澄潭坐閒持道
書讀此境惜暫遊何時得再宿飯訖辭林僧回首隔川陸

觀音巖

吳樹萱

坂折扞蘿上巖高拄杖看仰天窺一線匝地走千盤樹古雲裁

葉江晴雪滿灘花飛吹不到叢翠擁諸巖以上俱見湖海詩傳

海賊荼毒肆橫閩浙洋面十餘年今聞帥抄官兵擊之於

溫州黑水洋覆其舟溺死從此妖氛可熄矣誌喜

趙翼

海外遙傳奏捷音盜魁連艦竟平沉荏苒一掃功殊速癖疾多
年病亦深驚島帆檣開歷歷鯤身城郭望陰陰書生本不關時
事但聽銷兵喜不禁見甌社集

歸自樂清擬遊天台不果斷句 趙翼

我行永嘉逢可通便擬芒鞋住幽討前路但問人口說身雖未
經已了了以上俱見甌社集

送黃秋潭之永嘉 童 楷

春江逐烟水凝望思無端忽作經年別難謀一笑歡船如天上

坐山向郤中看靈運題詩處輸君姓氏刊見辰谷吟藁

題雁山觀瀑圖

張 藻 台州

憶昔尋龍湫曾雪得奇賞予于入巖阿遙聞飛瀑響興劇不知
冥賈勇遂獨往暫見玉龍垂倒瀉十萬大雲雷聲如雷匪練懸
空朗欲墜未墜時奇絕莫可狀妙觀筆難摹歸途勞緬想屈指
三島表設及猶心痒吾友連城姿握管妙模倣林淋瀝揮翰墨
滿紙紛蒼蒼相對寂無言悠然憶疇曩同懷集

大龍湫

張 藻 台州

豁豁石壁渺天際藤蘿蒙密愁板緣振衣直上橫截業一身飄
忽如飛烟岩壑陰森風颯颯瞥見玉龍倒挂山之顛直疑咬唾
落九天又似玉塵三斗戲潑洪崖肩靈霄一瀉數百大斷續續
水綃聯有特風力與瀑潭飛流為之中盤旋欲墜未墜愁獨絕

倏忽匹練當空懸鷺鷥亂颺四
錯落萬顆驟珠圓精空而

濺衣裳紛紛揮霍
是時嚴冬水正涸如何此水長滔

滔詢之父老叩祈所以告予來自常雲峯北城遙流三春奔注

勢更疾令人股戰目欲逃臨風展眺不知瘡胸中塊無壘今全

消跡逢預擬重來日山僧相約桃花朝見詞懷集

嘉蔭堂自注在溫州道署卷六首為其園雜咏
江蘇人王世錦

春風生衆綠夏雨膏百疾垂蔭止無窮何獨覆此屋

筠廊

長廊森翠竹娟娟絕塵俗時有好風來鏗然戛鳴玉

星槎

古樹似靈槎橫空水面遮不逢星使適長此困泥沙

畫舫

翠室小類丹嘉名肇自歐陸屋與水處併作十分幽

惠風亭

風來小亭東和氣溢戶牖會見嘔羣生瀆海咸康阜

此軒

本是風雲質何為卧碧潭未甘常委棄夜夜作龍吟

勸學行寄勗與伯

壯年事帖括白首不知疲叩以經史事矚目罔諸措詞如替不

見日如鑿聲不聞輦何異蛇鑽紙終日徒呻呶豈知學有本不

在取毛皮苟不窮其理舉目盡迷離揆彼失學故多在童穉時

內無賢父母外無名師資悠悠復悠悠童穉成耄期嗟爾後來

學征邁日孜孜六經為根祇百氏作藩籬條貫異同說折衷漸

似疑既端滿詩向無為衆從遠珍王在山水采取任所之青藍
非異色淺深隨所緇蘭蕭不並植蓮麻交相持此理本易明靜
觀當自知窮達雖在命立身責有基爾勿勤滿學必將日戲嬉
車行失輓執馬逸不受羈區區咫尺地已自愁顛危雲千里
上誰能更驅馳愧我才力薄抗顏為人師千里客東浙勞瘁
云辭我行何時已念汝輒嗟稀聊為勸學行用作警志詩

春草池

昔誦池塘句今來池上遊一渠清到底想見晉風流

華蓋山

高峯窈窕倚甌城杖策登臨佳興并作客偶然閒一日尋仙正
好訪三生自注山有海山寒氣侵征袖江水潮聲動旅情十八
洞天留勝跡不知何處有容成以上見華蓋館詩鈔

送張約齋之秦秋自注約齋平陽人北闈下第薄遊淞濱間
炎復應龐西記室之聘以詩贈之鎮洋王開沃

惜別在初會况逢搖落辰白蘋寒野渡黃葉送詩人冀北方垂
翼淮南少縱鱗知君西笑意行探龐頭春
百二正關道崎嶇賦載馳大河流禹蹟明月見秦時書記雖云
樂秋懷亦易悲可遠憑雁羽尺素慰相思

同盧廣文月船登寶林寺梵天閣

傑閣倚峻嶒危閣客共覽磬聲寒出竹山色淨宜僧外道嗟無
想壇經緬惠註自注相傳為萬緣何處寂風壁閃秋燈見湖海

送秦敦甫獨為天台雁蕩之遊

錢塘厲鷄

桑君江海人意氣頗超忽早摘銀鬚踈來卧松月開年雪載
塗山情生勃蠟履告我行健以洪空鶴前身打包僧游跡記

髣髴自言昏嫁了，詎使塵土印。為豐干訪，次作矩羅謁，携刺影當朋，倚扶杖，即隸辛拜號，獨住生斯語，豈庶非伐獨汎，彈鷗隨獨憩，孤樹歌獨宿，寒凌競獨行，翠窻獨吟崑，峇響獨沐風，髣髴獨眺俯，鶴巢獨飲，侵龍窻，天台峙東南，奇秀甲於越，客兒失雁蕩，晚出名馳突，我有中宵夢，往往凌岬岵，翰君濟勝其先，我結雙鞵事，不婦子謀，典為嵐霞登，竣君街袖詩，千載期毋後，見樊榭山房集

送梅耦長先生罷秦順令還宛陵

前人

歸去宣州七月初，蕭然行李意何如，官身已謝潘懷縣，直散應同陶隱居，稍待西風看雪稻，更聞春網薦琴魚，修船謠似春陵作，此日雲山不負，自注先生在東甌時作修船謠，怡民役也，樂清廣文項元圃招遊雁蕩以詩先之，胡濤遠來

東南山水窮盡處，龍歌雁宕相撐拄，秀削七十七奇峰，萬古蒼茫鎖煙霧，何人伐木通此山，謝客當時不曾賦，坡翁留

送未識盤空双瀑布，我亦生平到未曾，祇向山人畫中觀，自遭

奔去畫，并無歲歲枉羨飛鴻度，自註口藏印衣白雁廣文先生

官舍冷，山色依稀映窻戶，昨者寄書招我遊，喜說能來及秋暮

我生五十筋力頽，偶出郊原便思住，但愁老死無從見，勉強扶

持尚堪赴請君，預辦一月糧，早晚扁舟徑東渡，見吾歡堂詩集

憶方虎客死溫

李良年

牂牁秋綠晚，萋萋五十郎，亭到越點不敢更，嗟鄉園遠有人，

在萬峯西見今詩別裁

永嘉令馬公死難，令嗣觀祭，請於朝賜謚，忠勤，索詩

唐孫華

青袍白馬塞甌閩一命官卑大義均豈有兵符麾士卒要將全
節感臣鄰

君王未識真卿面戰陣甘捐先軫身尚念天恩未酌答生兒留
作報恩人見今詩別裁

同徐方虎張步月趙湛卿登永嘉江心浮圖

葉燮

驚宮吳瓦傍銀河界破青冥一雁過名士登高双淚下故人回
首萬峯多新傳蜃海銷兵甲若箇魚磯卧薜蘿人五去天知不
遠憑君才調到如何見今詩別裁

自麗水縣放舟至永嘉錄一

東甌國在海山邊十里江城萬井烟已見颺風傾葭屋誰平鯨
浪駕迷船三盤島與參差出百學帆檣雜遝連豈似登州高閣

上碧環千里接遼天

常雲峯

怪石立孱顏濃雲常在山翻疑碧峯走出沒台雲間雲氣無時
盡此峯終古間遙知滄海上認取掛帆還

樂景即成

毛竹青陰日影遶亂飛鷄鶴拂晴照杜鵑花發松花落正是山
田秀麥時按雁山志

淨名寺蔬飯

石色峯峯變溪聲步步斜樓閣圍野屋杉竹隱春花入寺聽詩
板穿林屬筍芽鐵盃香稻飯題匙上有雲霞

度謝公嶺望老僧岩

謝公慧業早生天履齒曾經到嶺前峰上丈人猶化石不知成
佛更何年

遊石梁洞洞深可容十人石梁亘其外

舌洞空山腹飛梁駕洞門橫空規日影分罅夾雲根仰險危將
墜探深響易奔操蛇神若至懸宇夜光屯

石門潭

蕩陰雙闕水齊向石門東淺瀨平春浪澄潭受遠風晚潮歸海
綵落日滿山紅回首三重嶺都藏雲氣中

出山宿大荆營

旗幟遙見大荆營麥靡茶田取次平竹竹湖通新驛路石門潭
抱小方城沙邊落日籃輿穩渡口春風畫角清今日郵籤促塵
鞅他年重興細經行見聲經室集

贈端木子彝國潮

阮元

誰是齊梁作賦才定香亭工碧蓮開梧州酒監秦淮海招得青
田白鶴來見聲經室集

由温州渡江至樂清

春風海工來披拂東甌山海舊相識三度茲往遂白潮汎孤

蕪青嶼把巖關浪花鼓靜麥熟漁樵閒掛席指江北疊嶺重
濟攀奇峯互虧蔽衆瀑爭潺湲香草生澗底衆花開雲間惜未
進帆海觀耕到玉環

八月十八日浙江提督邱公良功會福建提督王公得祿
擊荅牽於温州黑水洋沈其船牽及其妻子皆死於海

詩以誌慰

阮元

八月温州急水師孫恩海上族全夷定知故帥神靈在自注謂
温州總
兵胡公振聲提督壯
魁伯李老毅公看爾長鯨就戩待自注蔡逆滅於温州

三盤按在玉環

郭文誌

浪落低如坑浪起高如珠當其低落時船頭忽俯覲及其挺高
起亦即隨昂激一落復一起千里在瞬息礁線莫能分處處當
危逼心已掛虛空冥然無味嗚大患為有身無身更何感轉於

震盪中清夢安適席醒才剛程途已見三盤積見快軒詩則

江心寺文信國祠

王錫齡

孤嶼山前古木叢
相公遺廟海濤中
麻鞋到處朝天子
長劍隨身拂彩虹
萬里孤軍謀保聚
四方豪士赴英雄
勤王不作背城計
空有斜陽照晚楓

走偏閩山又越邱
孤臣開府劍南州
漳潮節鉞風霆壯
燕趙悲歌天地愁
亡國無依雷化石
清江誰問海門秋
只令碧島神鴉集
風雨滿瀟灑滿樓

登留雲亭即景題壁

福陳式銘

獨眺危亭晚孤城
帶露浮人家環白水
烟樹入平曠木落千山
雨船歸一笛秋
冥淒清趣未解
旅人愁見快軒詩則

昆陽旅邸送秦友宦閩

蔡村

汝學盧敖汗漫遊
火雲五月下閩舟
夢中任官終南老
袖裡詩篇太華秋
自古文章能壽世
幾人諛笑得封侯
明朝又作昆陽別
海色濤聲總白頭
見快軒詩則一見伴居雲冷草

題江心寺二首

李棠梅

浩然樓靜四凭欄
落木空江烟水寒
乍雨乍晴時最好
彩虹三斷鏡中看

入夜潮生晶界輝
西風林露落秋衣
月明何處雙烏鶻
高向羅浮塔頂飛
見芻輝樓詩集

題雁山遊草為李石農題詞

元和馮培

有峯如騰千駮駢
蹴躡屐雲不可止
五丁六丁供驅使
鑿開混沌何曾死
萬竅璉琤掠地起
先生才兼仙與鬼
雁蕩一編古無比
令我舌捲口為吟
大小龍湫龍鼻水
砉崖鼓壑噴滿紙
蜃氣

青紅壺海市一百二十峯
譎說神化直穿溟滓始天柱
鉞城無堅壘
鈺利柔毫激於矢
一覽一筇
嵐裡樵夫爭道
心翻喜印床
壓卷青山是聽詩之史
得知已謝藍伐山
峯伯耳枉自張皇
著屐齒靈境未躡
跣尺咫與突又秘良有以造物乃付石農子
筇鶴列真龕首企策杖願從吾老矣

題李石農雁山遊草

無錫

秦

瀛小

病夫日日閉松扉
消雪聲喧刺咏稀
失喜開絨詩一卷
龍漱瀑布到窓飛
知君康樂是前身
刻畫名山面目真
我謝山靈惟一笑
何緣更作看山人

曾向雲嵐揖老僧
芙蓉朵朵落空青
好將學李白驚人句
誦與山中石丈聽

平生蹤跡水中漚
往事匆匆何夢游
翰爾綠深儂合妬
明年也

恐別東甌

自注余視察東甌僅六月耳石農已閱五稔府以府屬北行見陸白石詩

題雁山游草

歛縣朱文翰

謁來甌江游盈耳
此奇勝恰有今青蓮
入筆資佐證巖鐘奏清晏
靜亦典山稱政美遊亦佳
名位副隆威遂達
百廿峯爽籟
魚磬振以衆妙音
高入秋天動嗟余塵
洒安臆字句不競焚香
再三讀逸品畫幾燈
載膚下里詞華或入風聽

又

大石

孟熊光

桂嶺梧江住幾年
我於山水亦多緣
讀君雁落龍湫句
猶愧籟難覓底天

舍弟彞鑿遠訪東面喜而作詩

朱彞尊

急難逢令弟
訪我自江東
頓喜羈心豁
兼聞道里通
晴江空翠裡
春草亂山中
知汝南來日
西陵定過風

春草池

謝公去已久空餘池上樓春風園柳色朝夕使人愁

西射堂

已見官梅發遠閣谷鳥啼愁人芳草色綠偏射西堂

謝客巖

朝看白雲飛暮看白雲宿聞有山阿人曾歌白雲曲

吹臺

仙人留吹臺近在南山麓上有半死桐下有孤生竹

吳橋港

聞說吳橋港荷花百里開當年王內史五月權船迴

白水滌

雲峯斷人行活活風泉落知有山桃花青春發紅萼

雁谿

烏鶯山月落樹靜聽風緩法鼓響空林已有山僧飯

綠嶂山

谿山百里陰霜葉鳴瑟瑟試鼓邱中琴定有幽人出

華陽精舍贈源上人

支公樞上馬謝客罷東山繫馬林亭外看山日暮遠瑤華猶未

折桂樹尚堪攀試醉陶潛酒狂歌白石間

邵東山對月有懷周四言亥陳大忱吳二周瑾

白露侵亭候涼烟滿桂叢如何秋色裡不與故人同蕭颯聞風

葉飛揚見羽蟲南樓明滅燭仁望海雲東

永嘉對月懷家孝廉一是四首

娟娟東城月濯濯中國露倚堦乍升輝廣墀已流素感物成憂

端翹思念情故心賞竟莫同歡歌有遐慕
昔我濟江時別子澄湖陰中以欵曲言謂可超重深軒車來何
晚離緒故難任不曰道路修惠以瑤華音

瑤華尚阻修何以展嘉覲既越非殊鄉方舟翼來適新蒲紛紫
茸春草齊碧色徒令芳醕陳庶幾煩忘釋

芳醕無長筵煩慮何由捐我思一何篤有若明膏煎蕙山義有
託涉川道未慙安得飛鴻翼報子池上篇

永嘉除日述懷

不作牽裾別飄然到海隅謀生真鹵莽中歲益艱虞鄉里輕
楚衣冠厭魯儒微名翻抵牾日少歡愉處賤無奇策因人遠
禍樞同舟逸楚客自注王明府世顯聽曲賞已飲岸轉犀峯出
潮迴衆壑趨江聲魚浦靜樹色釣臺珠祠宇浮空翠松林儼

94

園竊懷方浩蕩前路已崎嶇草宿侵寒兔林迺逐夜烏微茫辭

廷德縹緲望仙都水訝溪流惡山將杖道紆僕夫行未末風雪

灑天衢老鶴侵晨語窮援入暮呼轉思臨嶠岵誰分久泥塗柔

櫓輕航下青田麗水區哀鴻爭叫喃孤與忽須史洵美東甌地

由來謝客娛詩篇留汗漫旅食慰饑飢強禁樽酒難憑肘後

符朋醫方克萃禮法未應拘生意窺龍鳥流年過隙駒笑看風

土別鷺見物華徂紅綻官梅萼青分樞馬鬣深杯期夜酌細菜

出春厨坐久親孤燭更深判百觚遙看滂日夜歸夢越江湖正

憶高堂在知携兩年俱屢空無長物相視必長吁菽水承顏好

辜盤令節須艱難存病婦燈火索隣通書籍愁稔賣衣裳定有

無女長工剪綵男大學投壺倚著爰他日沉吟媿壯夫虞翻仍

去越張翰未踈吳詎有追風颯恆隨沉諸竟達生兼止託齊物

任榮枯述作安時論鶯花盡反于莫將鄉國淚頻洒阮公逢
以上見稼書亭集

贈卓處士灑堪按字子任自溫移居江都 朱彝尊

忠貞公後族蟬聯一代遺民藉爾傳辛苦遼陽存故所其先世
入關通所尚存篝燈重話草除年見稼書亭集箋註

題李石農雁山遊草後

長州 王芑孫揚甫

前年汎雪西湖上思君不見心惆悵篋底梅花往充餉去年修
禊平山堂地君書札遙相望幾欲報君無便將今年竟向真州
卧寄我新詩起頑慳如此詩人今幾個昨君笠屐龍湫窻未
滿紙波濤秋詩筆正與山爭道一事常常為君惜只有好山無
勝客終日獨哦門列戟見聖白石詩

題雁山遊草

嘉定 李廣芝新吟

昨通夫容村未攬雁蕩勝今詠先生詩頗連蠟屐興一景有一
詩瑀鏗兼疏燈證景奇詩更奇筆與名山稱逼雲曲彌高倒映
氣何盛洪如鏗華鐘纖若擊清磬於挂迺難求鯨擊力同勁各
體無不備咸足古山競欲倩董巨流麝煤染成幃懸之以卧遊
衆山響堪聽見聖白石詩

題李石農雁山遊草

昆明 劉翹鸞于

余世始永嘉家住雁蕩邊出山任萬里遂隔滇南天風雲浪鳥
道安窺雁湖巔今年來碣石快觀山中篇風吹大龍湫滿堂雷
雨旋吾師官滇南金碧窮留連定有髮蒼白與此可齊肩何不
出行篋重列昆湖編見聖白石詩集

賦得百川學海得東字

蔣源鎬訓導

醞釀推修士況酣在六經醉鄉如可托古訓有餘馨信足稱便

腹奚愁

川流堪喻學萬派總從東道向觀瀾悟情曰望海雄濟驅借衆
壑浪破趁長風窮髮蒼茫外歸墟想像中就深波浩淼善下度
虛冲識豈憑蠱測趨應駭竹通盈科占以漸向若度攸同寧與
邱陵比終年仰華嵩見立誠篇

野哭

華亭王雲貢生

永嘉王氣黯江東萬里神州慘淡中魯國豈無孔北海秦人猶
說楚南公行吟澤畔聲常咽野哭深山路易窮空有門人悲薤
露九京烟雨不相通見葵海珠塵朝川詩鈔

題吳惺臺先生傳後

汪澂

賢守慘遭閹禍烈攬車一去死生別夫妻患難有肯相離從行
不污身甘絕正氣激動南康民仗義奔呼感紫宸守平生

寵賞芳魂千載長如新見忠烈遺跡集

送荅棠池高國兩秀才還永嘉并寄趙廣文鎮

六和世駿

打門聲急雨聲頻妙衝泥自海濱若愛清詩能入細况兼妙
畫久通神庠蓬尚斐來時月晚飯平分別後春愁絕江東今幾
歎一瓊誰念廣文貞見通古堂詩集

永嘉長公主墓志銘

齊王融

作儀阿媛取儼漢妃相金函質穠李漸輝蕭穆婦容靜恭女德
顧史求歲披圖問則慶善郁夷興仁冥默宵燧亡明鏡曉挽已
聲松門嚴澗泉帳寒清悠哉白日鬱彼佳城見古香齋淵鑑

進笑異疏

宋洪擬

紹興三年天旱地震詔羣臣言事知温州洪擬工奏曰法行公
則人樂而氣和行之偏則人怨而氣乖試以小事論之比者監
司守臣獻羨餘則黜之宣撫司獻則受之是行法止及疎遠也
有自庶僚為侍從者卧家視職未嘗入謝遂得美職而去如鼓
院官移疾廢朝謁則斥罷之是行法止及冗賤也權酷立法甚
嚴犯者藉家財充賞大官勢臣連營列障公行酷賣則不敢問
是行法止及孤弱也小事如此推而極之則怨多而和氣傷矣

興王龜齡書

宋朱熹

熹窮屋晚學無所自似往者學不知方而適不自料妄以為國
家所恃以為重天下所賴以為安風俗所以既漓而不可以復
淳紀綱所以既壞而不可以復理無一不係乎人焉是以開天

下之士有聲名節行為時論所歸者則切切然以不得見乎其
人為歎及其久也或得見之或不得見之而意之孝拳不少衰
也聞其進為時用則私以為喜聞其泥阮窮廢置則私以為憂
及夫要其所就而觀之則始終大節真可敬仰者蓋無幾人而
言論風旨卒無可稱功名事業卒無可紀者亦往往而有以此
喟然自嘆知天下所謂聲名節行者亦未足以定天下之人而
天下之事未知其果將何寄也自是以來雖不敢易其賢賢之
心緩其憂世之志然亦竊自笑其前日所求於人之重而所以
自待者反輕如孟子之所譏也於是始復取其所附於師友者
風夜講明動靜體察求仁格物不敢弛具一日之勞以庶幾乎
有聞者而於前日之所為切切然者則既有所不暇矣噫是時
聽於士大夫之論聽於輿人走卒之言下至於閭閻市里於

兒童之聚亦莫不曰天下之望今有王公也已而得其為進一
時所奏大對讀之已而得其在館閣時上奏事讀之已而得其
為柱史在臺諫遷侍郎時所論諫事讀之已而又得其為故大
丞相魏國公之誄文及楚東酌唱等詩讀之觀其立言措意上
自奏對陳說下逮燕笑從容蓋無一言一字不出於天理人倫
之火而世俗所謂利害得喪榮辱死生之變一無所入於其中
讀之真能使人胸中浩然鄙意吞消落誠不自意克頑廉懦立
之効乃於吾身見之於是作而歎曰士之求仁固當以反求諸
己為務然豈不曰事其大夫之賢者云哉今以前日失數公者
自懲是以一噓而廢食也於是慨然復有求見於左右之意而
未獲也昨聞明公還自夔州撫臨近甸而喜之里閭交游適有
得佐下風者因以書賀之蓋喜其得賢大夫事之而自傷無狀

獨不得一從賓客之後以望大君子道德之滄光也不意當緣
與其向來鄙妄無取之言皆得徹聞於視聽明公又不以凡陋
為可棄狂僂為可罪而辱枉手筆以抵字倅盛有以稱道竊惟
明公之志豈非以世衰道微遺意君後親之論文作肆行無所
忌憚舉俗滔滔思有以障其橫流者是以有取於愚者一得之
慮因以不求其素而借之辭色也耶明公之志則正矣大矣而
熹之愚未有稱明公之意也雖然有一於此其惟益思砥礪不
敢廢其所謂講明體察求仁格物之功者使理日益明義日益
精操而存之日益固擴而克之日益遠則明公之賜庶乎其有
以承之而幸明公之終教之也雖然明公以一身當四海士大
夫軍民一面之責其一語一默一動一靜之間所係亦不輕矣
伏惟盛德大業前定不窮其剛健中正篤實輝光者固無所

強以熹之所觀記則古語所謂行百里者半九十里明公其
念之況今人物渺然如明公者僅可一二數是以天下之人負
望尤切而明公尤不可以不戒不審明公以為何如哉熹又聞
之古之君子尊德性矣而必曰道問學致廣大矣必曰盡精微
極高明矣必曰道中庸溫故知新矣必曰敦厚崇禮蓋不如是
則所學所守必有偏而不備之處唯其如是是故居上而不驕
為下而不倍有道則足以興無道則足以容而無一偏之激也
熹之區區以此深有望於門下蓋所謂德性廣大高明知新者
必有所措而所謂問學精微中庸崇禮者又非別為一事也狂
易無取明公其必有以裁之往者明公在夔成都汪公聲聞密
通竊意有足樂者比來時通問否此公涵養深厚寬靜有容使
當大事必有不動聲色而內外賓服者明公不知之深一日進

為於世引類之舉其必有所先矣熹杜門卷親足以自遣昨嘗
一至湖湘出資交遊講論之益歸棗忽被除命既不敢辭而拜
命矣然明公未歸朝廷熹亦何所望而敢前也引領牙蟲未有
瞻拜之期向風馳義日以勤止輒敢復因宋倅相為介紹致書
下執事以道其拳拳之誠伏惟獎察見古文淵鑑

温柑譜畧

宋韓彥直

真柑在品類中最貴結實顆皆圓正膚理如澤蠟始霜之旦園
丁採以獻風味照座擘之則香霧噴人一名乳柑謂其味之似
乳酪温人謂乳柑為真柑意謂他種皆若假設者而獨真柑為
柑耳温四邑柑種柑推泥山為最泥山所產柑其大六七寸圍
反薄而味珍脉不黏瓣食不留滓一顆之核纔一二間有全無
者生枝柑似真柑色青而膚麤形不圓味似石榴微酸古今

所云壺柑疑此類是響鄉人以其耐久留之枝間俟其味
蒂葉而折堆之盤俎新美可愛海紅柑顆極大有及尺以上
者皮厚而色紅藏之久而味愈甘木高二三尺有生數十者
枝重委地亦可愛是柑可以致遠初目近海故以海紅得名洞
庭柑皮細而味美比之他柑韻稍不及熟最早藏之至來歲之
春其色如丹其種自洞庭山水來故名來柑類洞庭而大過之
色絕嫣然紅味多酸以刀破之漬以鹽始可食他柑必接唯朱
柑不用接而成全柑比他柑特小其大者如錢小者如龍目色
似全肌理細瑩圓丹可斫啜者不削去金衣若用以漬蜜尤佳
木柑類洞庭而膚理堅頑瓣大而之膏液外 疆中乾故名
以木柑類洞庭高天過之每顆必八瓣不待霜而黃比他柑
加甜柑林未熟之日是柑最先摘置之席間三月黃獎人

溫橘錄

韓彥直

溫橘有十種黃橘狀比之柑差扁小而香霧多於柑而賜以時則肌充而味甘其圍四寸色方青黃時風味尤勝過是則香氣少減塌橘狀大而扁其南枝之向陽者外綠而心甚紅經春味極甘美瓣大而多液包橘取其纒纒然若包聚之義是橘外薄肉盈隔皮瓣脉可數有一枝而生五六顆者懸之極可愛綿桔微小極軟美可愛故名結子甚稀沙桔取細而甘美之稱或曰種之沙洲之上地虛而宜於桔故其味特珍然邦人稱物之小而甘美者必曰沙如沙瓜沙蜜沙糖之類特方言耳荔枝桔盾理融容類荔子故名軟條穿桔結實頗大皮色光澤其心並有^并如蓮子穿其中其體性弱不可犯霜不可以耐久又名烏兒桔油桔皮似以油飾之中堅而外黑綠桔比他桔微小

碧可愛不待霜食之味已珍留之枝間色不盡變隆冬採之意如新乳桔狀似乳柑極甘芳又名漳桔自然桔以桔子下待其長歷十年始作花結實味甚美由其本性自然不雜人為故其味全早黃桔著花結子比其類獨早秋始半其心已丹于頭方酸而早黃桔之微甘已回齒頰矣凍桔其顆如常桔之半八月作花既而桔林已盡乃始傲然冰雪中著子甚繁春二三月始採之蘓荆閩廣所出皆木桔耳不敢與溫桔齒

林唐二義士說

張元忬

林唐二義士事曰樹冬青典所傳詩四首並同蓋甚感之竊當時二人本協謀而傳者失其實耳季長沙公本乃以收骨事為玩非林景應其注謝翱詩云星在尾為寅年也元史歷志授時歷經黃道十二次宿度尾三度一分一十五秒八析木之次辰

在寅謝朝以布衣杖策參天文祥軍士天許死於燕輒傍徑
山澤遇處即哭卒窮以死其忠憤如此故謂收骨為唐珥事且
知為戊寅年者以朝詩為証耳然以冬青樹引二跋觀之則如
余前所疑庶幾近之而王修竹名英孫嘗延致景熙要亦聞其
謀者也又嘗覽霽山集載冬青花諸詩甚明中與唐王潛王修
竹往還詩不一多激語其答謝景熙又有夜夢說繞句越落日
冬青枝之句謂非與聞其事者可乎當收骨時事甚秘故姓氏
互傳若此故識以俟博古者辨之

林靈素傳

宋趙與時

林靈素初名靈聖字歲昌家世寒微慕遊遊至蜀從趙昇道人
袁載趙卒得其書秘藏之由是善妖術輔以五雷法往來帝
淮泗間乞食諸寺僧多厭之政和三年至京師厲東大乙宮

宗夢赴東華帝召遊神霄宮覺而異之初道錄徐知常訪

霄事迹知常素不曉告假武告曰道堂有温州林道士果言

霄亦作神霄詩題壁間知常得之大驚以問召見上問有在術

對曰臣知天宮中識人間下知地府上視靈巫風貌如舊識賜

名靈素號金門羽客通真達靈玄妙先生賜金牌無時入內五

年築通真宮以虛之時宮禁多怪命靈素治之埋鐵簡長九尺

於地是怪逆絕因建寶籙宮太乙西宮建仁濟亭施符水開神

霄寶籙壇詔天下宮觀改為神霄玉清萬壽宮無觀者以寺充

仍設長生大帝君青華大帝君像上自稱教主王道君皇帝皆靈

素所建也靈素被旨修道書改正諸經醮儀校丹經靈篇刪修

注解每遇初七升座講聽旨宰執百官三衛親王中貴士庶觀

者如堵蕭講說三洞道經京師士民始化於靈素為闕不

一上每以聰明神仙呼之御筆賜玉真教主神霄凝神殿侍宸
立兩府班上上思明達后欲見之靈素遂縱言復興葉靜張致
太香之術尤異之獨靈素曰朕昔到青華帝君處獲言改除
魔髡何謂也靈素遂縱言釋教言道今雖不可滅合興改正將
佛刹改為宮觀釋伽改為天尊菩薩改為大士羅漢改尊者和
尚改德士皆留髮頂冠執簡有旨依奏皇太子上殿爭之令胡
僧立藏十二人并五臺僧二人道堅等與靈素開法僧不勝情
願戴冠執簡太子乞贖罪有旨胡僧放道堅係中國人送開封
府刺面決配于開寶寺前令衆明年京師大旱命靈素祈而未
應蔡京奏其妄上密召靈素曰朕諸事一聽卿且與祈三日大
而以塞大臣之謗靈素請急召建昌軍南豐道士王文卿乃
霄甲子之臣兼西部典司之告上帝文卿既至執簡勅水旱

兩三日上大喜賜文卿神霄凝神殿侍宸靈素眷倚益隆忽草
京城傳呂洞賓訪靈素遂捨土燒香香氣直至禁中上遣人探
問香氣自通真宮來上亟乘小車到宮見壁間有詩云捨土焚
香事有回世間宜假不宜真太平無事張天覺四海閑遊呂洞
賓京城印行燒街叫賣太子亦買數本進上上大震怒捐賣錢
于織開封府捕之有大學齋僕王青告首是福州士人黃待聘
令青賣送大理勘招待聘兄弟及外族為僧行不喜改道故云
有旨斬馬行街靈素知蔡京鄉人所為上乞表乞歸本貫詔不
應允通真有一室靈素入靜之所常封鎖雖駕來亦不入京遣
人廉得有黃羅大帳金龍朱紅椅棹卓金龍香爐京具奏請上
親往臣嘗從駕上幸通真宮引京至開鎖同入無一物於壁
明窓而已京皇恐待罪宣和元年三月京師大水臨城上令中

貴同靈素登城治水救之水勢不退回奏臣非不能治水一者
是乃天道二者水自太子而得但令太子拜之可信也遂遣太
子登城賜御香設四拜水退四丈是夜水退盡京城之民皆仰
太子聖德靈素遂上表乞骸骨不允秋九月全臺上言靈素妄
議還都妖惑聖聽改除釋教毀謗大臣靈素即時携衣被出行
宮十一月與宮祠溫州居住二年靈素一日携所上表見太守
閻立顯乞與繼進及與州官親堂訣別而卒坐前自下墳於城
南山命其隨行弟子皇城使張如晦可掘穴深五丈見龜蛇便
下棺既掘不見龜蛇而深不可視如乃莫焉靖康初遣使監溫
州伐墓不知所跡但見亂石縱橫強進多死遂已此耿介延禧
所作靈素傳也靈素本末世不知其金故著之今溫州天喜宮
有御題云太中大夫沖和殿侍宸金門羽客通真達靈元如

生在京神霄玉清萬壽宮管轄提舉通真宮林靈素見古今說

薛師石詩跋

瓜廬耕釣於會昌湖上多肥遊之辭舒性情之正得象外之趣
酌繩尺之嚴

跋宋慶之飲冰詩集

宋劉後村

含蓄有餘思要是世間好詩以上見宋詩紀事註

錢氏蕭臺詩跋

宋周必大

永嘉錢君文子序其曾祖姑蕭臺詩三卷刻板醴陵縣治復求
跋語予視詩三百篇有當時婦人女子所賦而後世文人或不
能及蓋發乎情止乎禮義之難也景祐中歐陽文忠公序謝希
孟詩云隱約深厚守禮不自放有古幽閑淑女之風欲引而進
之衛莊姜許穆夫人之列請以斯言附諸卷末嘉泰元年九月

劉植荆山按

題雁宕圖記

明宗旭

沙門文石自雁宕歸言未至龍湫初過老僧岩入松徑數里即
 石橋寺寺以洞為殿可五十武其高廣倍之左有方池石罅泉
 下如注甚清例石橋高可十丈以之為山門各門之下壘石為
 臺俯可六七丈旁通石級從左上山門藤蘿掩映幽絕可愛疑
 非人間世也余初未信文石遂援筆作圖為此乃為潤色之并
 賦一絕云萬歷丁丑中秋石門山人字初陽題見齋雲樓雜說
 翰墨林七更明金寔

覺非先生久客蘭闈心厭塵意性怯堙鬱思若無聊安得絕境
 於焉消搖浴濯煩襟以永今朝聞永嘉主人有翰墨之林曳杖
 行于若履空谷足音楚然主人出速不言心喻矜矜以目升引

賓階少叙寒燠主人曰噫走也是林不資於地匪窮於岑無松
 之威匪柏之森駢羅圖書錯置琴瑟几萬載上下古今文房
 百玩觸手可尋少安毋躁願陳至音於是拂几正席焚沉蕪蕙
 緩宮急羽高卑以序巍巍洋洋無不如意長清短清漪瀾飛佩
 五曲九引縷縷可繼先生曰美哉矣太古之聲也然鍾期既亡
 伯牙絕響箏篋之耳未詠得其愔悅毋勞爾為也主人曰唐虞
 至聖子不得與托物設教啓其聾聵以局必方象地之則以道
 必正神明其德有白有黑曰陰與陽互陳錯雜舉雲漢其章防
 危補罅料敵審己負不可償勝不可恃爾雄相值乃見勁敵龍
 蛇成陣虎豹堅壁雖曰小數有至理焉無所用心為之亦賢先
 王曰君子不操勝心無作機事此孤山處士所以鄙之也願聞
 其他主人曰書契初成鳥跡茫昧蚪蚪再變乃有分隸斯邈之

下鍾王軼出唐臨晉帖如蹈一律狂僧顛史草聖入神蘓黃米
蔡急自絕偷真跡間存初刻或在點畫使轉折旋向背明臆淨
几目玩心辭誠一快也先生曰儒者於書固最逆事然一好著
亦能喪志吾未暇焉主人曰五色作繪聲自姚如後世目之畫
事由始晉唐以落好尚蠡起顧吳荆關董郭王李入神造妙匠
別品策耽嗜成癡千金莫以芳播清流貴動丹宸適情遊藝動
合元理宣和纂錄寶鑑有史似不可以也先生曰君子扁意於
物而不可留意於物者此先賢所以恐其泥也敢請大之主人
曰陶寫性靈妙在得句物情人境動合天趣模擬之精推敲之
至晝夜或忘食宵恒失眠窮極彌工思若無愈異神驚鬼泣造
物所忘我古人高不可企先生曰夙雅澄澗正聲微茫競趨靡
麗太樸日亡安得擊壤以反渾龐主人曰經緯天地膠輅後元

用與政通體隨世遷秦漢雄深齊梁巖敞韓公倡唐衰弊特述
陔蘓曾王鳴宋之盛及今賴之矩矱由正今之作者秀出如雲
昭回河漢炳耀星辰鉤天合奏鸞鳳和鳴山輝玉蘊淵鏤珠呈
走將漱其芳潤咀其華英寤寐於昭茲林之下不知歲月之虧
盈也若是如何先生曰近之矣而猶未也文以載道匪惟辭工
上師聖人吾將子從主人憮然曰命之矣聖人之言世謂之經
囊括宇宙含抱生靈未暇細論畧陳其名易備陰陽造化以明
書言政事治功乃成感發憤懣創詩本性情無序不和禮樂由
典春秋撥亂王法權衡學庸論孟規矩準繩猶如菽粟布帛之
征一息不繼民不得生浮文騰噴莫利攸行走將膏吾車秣吾
馬由伊洛以溯洙泗而履吾夫子之屐不知其不可也先生離
席而立降階頰首請先羣經旁藝居後以翰墨林為道淵藪

忠烈遺踪集序

吳永申

昆陽文獻邦也其間岳人節樹駸業成顯名者麟麟炳炳後先
不乏即閨貞閭範堪登彤管者往往而有求其臣報君恩父報
妻成夫志忠臣烈婦並萃於一門則惟先賢惺臺吳公夫婦僅
見焉先生居官守正不畏強禦致罹於忠恭人信誓旦旦慷慨
捐軀亦謂且道妻所固然耳當其檻車就道時我躬不履皇恤
中貴之權奪與不奔即恭人清宵投環祇冀先從良人於地下
耳何暇及於身後之事卒之上意可回目心可白朝議可定璫
焰可消衆意愈可平雖安者去而正者合天道之常要其初心
豈可敢預必執但可惜者恭人死耳迄今庚桑畏壘南康之人
世尸祝矣而且俎豆分二丁之香薄即邑達兩處之崇祠貞
珉勒其本末史冊揚其姓名若是者何哉天固以完節付之

人俾其芳聲令聞永永不朽也永申製錦名邑荏苒十載風聞
先生高誼邑故有忠烈遺踪一書錄本久失吳生文煥先生曾
孫也童以授梓帙成示予捧讀之下凜凜生氣呼之欲出不禁
慨焉嘆興肅焉起敬也煥之曰氏蚤寡歌黃鶴撫此遺維以有
今日予採四野之輿論上論各區業已交旌其閭說者謂氏得
陳恭人之遺範焉重其然乎昔曹會奔字春秋稱公孫以賢之
會固賢以其為公子喜時之後益賢之可見祖宗之善垂諸奕
禩令人追溯之而不忍浪往往如此嗚呼先生與恭人之流芳
遠矣時康熙戊辰八月文林郎知平陽縣事彭城吳

拜題

忠烈遺踪集序

金以峻

甚矣忠烈之難言也仕君子修行於家而筮仕於朝孰不自命
為忠烈士乃至所時不偶僉任盈廷浮雲蔽日欲正色而不能

敵媼求榮保初心而不獲者比比然也况乎矢志靡他視死如
跡而更問之深閨弱質中也惺臺吳公暨夫人陳氏不多觀焉
公系出昆陽少力學抱經濟才登賢書舉進士為有明間人歷
仕南康守甫下車為商榷累民忤中貴被逮從容就義堅志不
屈者先生徇忠以報國初不虞夫人之捐軀以相夫也噫顯纍
臣就道命婦投環則先生非立世之奇男子而夫人非巾幗之
大丈夫也哉卒之檻車入於朝廷臣交疏放歸田里而粧臺寂
寞合浦難負斯時生民者不愧於臣節而死者亦何憾於婦道
一門忠烈兩地蒸嘗天之報施良不爽也予承乏定邦緬想其
行事彙行其休風既以載之邑乘傳之奕世使彼都人士莫不
心切而向往之矣茲退食之餘其曾孫吳子文煥復以忠烈遺
踪一編乞為序予頽而樂得而稱道之也敬抒一言以表吳公

夫婦之忠烈於勿替云爾康癸乙未冬季文林郎吳知平陽縣
事金以煥拜題

雁山紀遊詩序

山西保德人官戶部
從事虎字八與江南

姜

楠仲端

東南山水之勝浙東為最浙東山水之勝雁蕩為最雁蕩之勝
大龍湫為最余往聞其勝欲襄糧乘遊焉而遠遊未果會逢
命視學浙東西今年夏行部自永嘉至台州取道樂清遂紆迴
入雁蕩遍歷龍湫靈巖靈峯石梁之境俶說幻妙怪怪奇奇真
仙靈之所栖息非人間所有也將欲形之詩歌著之文字稍以
摹繪其形容而彷彿其變態方以公事奔走道路未遑以為且
念紀山水之勝者非澡雪精神浣滌肺腑化工具於心而應於
手未有不為山靈之所笑故雁蕩紀遊之作未可聊且命筆姑
以俟之異日而已樂清諸生方郊謁余於台州出其兄太學生

高惠雁山紀遊詩文若干篇視余且請序之余反覆披覽見其
尋幽探竒無境不到可謂有山水之癖而其胸懷能脫然於塵
氛之習者矣自古紀山水之勝者其文莫美於柳子厚然觀子
厚之在永州所得鈔鈿潭諸勝不過一立一壑不為異要非
海內之鉅觀而雁蕩之勝自大笑落以至大荆周環迴合數十
里間名區異域間勝爭竒道書所稱洞天福地殆無復有加之
是焉豈直一立一壑之勝而已哉嗟乎自有雁蕩以來

遊於斯者多矣其形之歌詩著之文字者料已指不勝屈今為
雁蕩之子厚者方生歸其為吾詩山靈而問之非斯人其誰歟
康熙辛巳仲夏大原姜謹書

雁蕩紀遊詩序

彭啓豐

浙東之雁蕩峻嶒秀麗神鬼鏤削傲說竒幻之狀實為回明天

台冠自高僧諾詎那手闢此山至唐釋貫休題十八寺而東西
內外谷靈踪乃著歲發癸亥自永嘉取道樂清紆迴入雁山蓋
與中觸景成吟曰使事匆遽未暇搜其間與祇見二靈峰巖玲
瓏界兀駭獸驚禽時出沒於松杉泉石間已飄然有出世想今
年春復從章安來捫蒿蘿披荆棘曲探大龍湫銀河倒瀉洞洞
溶溶碎玉圓珠灑人衣袂四面層巒崿略更出禱游工而一為
俯仰不禁有會於方君紀游之詩首謝康樂窮討冥搜履齒未
及朱夫子欲東遊雁宕窺龍湫卒以不果而方君獨得置身山
水間以恣游覽詎非生人快事慨夫十八名藍半歸傾圮恐數
十年後不特羈人遠客裹足不前即生長斯邦與竒境為鄰者
且對蔓草荒榛廢然而返得此一編以當卧遊圖亦足矣
乾隆甲子仲夏長洲書板甌江使阮

諭於房山總督方蒙文

年月日諭於房山總督兵馬政事方蒙之靈曰朕設用命之典
勵介冑之士有能赴湯蹈火殉國之急必加旌勸况久服武事
信任良材之臣乎爾籌畧行間嘗佐阮帥綠廟謨之失策致疆
外之債師矣盡道窮執節不撓特優典用慰忠魂爾如有知尚
克敬享

上治安書

方蒙

讀古人書所讀何事風夜敬主靖共爾位自揣保泰持盈廢歌
喜起誰知爰起蕭牆主辱且危幾欲殺身成仁又誠憲權奸得
志番此餘刑以逐狡兇待天閣書上上而闕竟閉忍辱含羞寧
被他人讞刺願陛下善自調理為宗社計臣聞大廈將傾一木
難支搜羅羣英差可自恃今天下賢才不乏其類張權李瑜文

武兼備宮中府中悉以咨彼好謀而成臨事而惧臣在房山戰
兢惕勵思欲致主無隙可覩逆賊檄書矯命賜死孰能無拳拳
真主天命有德當靖西土輯寧邦家尤宜礼士方策所書聖言
不誣尊賢親親人存政舉臣之鞠躬死而後已叔卿來諭言不
入耳信宿兩朝忽又辭去番之莫從去復增淚謹寫一書達上
廷陞慨切陳長百拜百跪

死難房山自題墓誌

方蒙

嗟嗟吾生何不辰百云逢此殞餘生淹留姓叱此地何所似不
及蘓武學李陵遙望故鄉萬里外一夜風雨夢中驚自吾曾祖
及大父避亂隱居南海濱鑄山麓海食其力教兒誦讀復且耕
且方莫才思凌雲漢果沾聖澤沐恩深公爾忘私為己任志圖
報國表忠貞精歷觀官王府大侍御出守房山總路鈴詔期中

葉生一變逆胡亂夏擾帝京大都遍鹿遭逢肉何况區區一彈
城經年拒敵空糗貯矢盡兵窮無二心嗚呼天烏暗兮兵南渡
忠君愛國情何訢遠望桑邦無所見闕嚴途險艱且阻哀哀生
我實劬勞周極深思父與母自古忠孝難兩全公爾忘私何所
咐願將膚骨葬房山題曰死難方公墓既非求譽與沽名散口
成仁與取義天祥衣帛有是書而今而後可無愧

詔

奉天承運皇帝制曰朕惟天下人臣為仕之際忠孝貴乎兩全
朝廷體貌之恩始終惟其一致迺爾甫任秉鈞之責方承榮顯
之歡騰章勿請於恩榮進職俾參於列棘載陽渙渥昭示寵榮
具官陳夔者剛明有守正直無阿今特陞爾為太寺常少卿吏
部侍郎汝尚公心執法正色立朝汝往欽哉

宋紹興三十年八月十三日下

奉天承運皇帝詔曰濟世經邦必賴羣工以夾輔齊家治國必
選才能以勸勸爾陳夢龍乃忠祐侯德誥之裔光明正大耿介
無私謀畧足為耳目忠貞堪作股肱今特陞爾為雲南御史錫
之於戲祖厲貞忠澤綿後裔欽此

淳祐元年二月廿四日下

奉天承運皇帝制曰崇治先論秀之條聿隆茂異策士需經世
之學實昇榮旌浙東陳懋欽陳子美凡第一門集慶二難其美
棣萼揚芬既並題夫雁塔鍾巖迭奏宜均沐乎天庥茲以覃恩
表爾為双桂錫之勅命自叶彙貞之吉特膺恩光載永濟美之
賢夙徵國瑞寶和祐二年五月二十五日下

奉天承運皇帝詔曰朕惟設職分官必藉賢才之士問心無欺

難求正直之臣今具官陳煥武光明有守耿介無偏素學足以
尊主而庇民嘉謨足以經邦而濟世才能自此勅賜宜加今特
進階文林郎翰林學士錫之命以為爾榮爾尚益盡乃心勵乃
事勿懈於位用光訓詞欽哉朕命寶祐五年正月二十一日下

奉天承運皇帝制曰國家推恩臣下必及其親者所以重本而
勸孝也而何聞於存沒哉行在貴州監察御史金敬故父壽慶
鍾厥子而祿養不逮揆其所以自宜有顯褒今特贈文林郎行
在貴州監察御史靈其不昧尚克承之大明宣德九年四月廿
廿九日下

蒼雪公墓銘

余名

金丹之地有勝蹟焉其山濱海有鐘鼓二巖高懸其上下即觀音洞予友陳君蒼雪之所建始也君望出名族少有大志不隨世為俯仰元統中素願不酬至正十七年丁酉由茂才應薦授南康總司副旗遷奉訓大夫僉制東都元帥陞都事元亡國朝屢擢其官不應其拳拳報國之心亦可見矣洪武辛酉秋九月丙寅其子朝凌將塋先人之室而以銘請予惟古之忠臣孝子慷慨自矢義不苟合當非人世中所及不意吾鄉有此傑士於閭里與有光焉誠所幸也君領兵破西都獲其巨魁民賴以安其英銳無前之氣與昔之撻寇南湖者勇固可貴也嗚呼天不生君於有道之日而獨生君於流離多難之秋則生君所以成君也夫世方動心利祿以求尊顯君乃辭而不就棄紛華而處

清靜越數百年後登是者必慨然興曰是所名遂身將退者
歟何自待之高也予與君同里素慕其為人每時與鄉之縉紳
父老樂道其節概今既以銘請不辭固陋遂援筆以書於石銘
曰鐘鼓山清淨地處身高靈一切帛書勲銘志事為元臣無二
志忠於國他靡矢卜佳城塋於此萬斯年石永記洪武辛酉菊
月日徵仕郎知建陽縣事同里年家眷弟余 拜撰

刑部郎中鄭裕公奇石碑志

李昊

公諱裕字惟寬別號奇石溫之平陽人居金舟鄉之鄭洋皇宗
咸淳初有以武舉換文者曰遇龍公歷官終臨安府公 世祖
曾大父曰盛翁大父曰基父曰豹俱得光林下母徐氏有和熊
之風篤生公兄弟二人公居其次最愛於其父母悉以門戶付
長公釋公專於學九百家子史洞究心年幾弱冠選補郡庠博

士弟子員治詩經通尚書大義從樂邑文宏林先生卒業洪
武二十三年庚午以人才薦辛未春校文禮部公居優等未即
用在所部試書天下祿仕語命無何以疾告航於海抵中沙獲
奇石於浪潭因載以還幸餘年徵書為下州司馬迫其上道有
如星火之急遁逃不起滅跡於親友間其姪尼陳克思公有窮
秀才無處躲閃之謔復出詩以達其進云生民久塗炭天命歸
皇王武功定四海文治來人荒群才際所遇鸞鳳起高翔胡為
自退託負此日月光山中合抱木行矣棟巖廊莫學楊朱子切
切悲路傍公曰唯唯乃戒行二十八年乙亥蒙恩改授刑曹郎
中肅謹有為周詳寡過設施未竟而疾病作矣臨終詔其子京
長臣曰彘者曰吾仕雖不能顯其親亦庶乎不辱其身矣今者
疾不可為返吾骨以窆於所居之側吾瞑目矣言訖而逝實為

三十一年戊寅八月八日也詎所生丁未得年三十有二夫人陳氏字漳州守清伯公之喬元端本堂侍書元英公之孫處士巨卿公之子也子一人即京長以明年臘月庚申具衣冠卜葬於故宅之左遵治命也爰用所謂奇石以為碑碣而刻其銜於上屋以覆之扁曰奇石碑亭其從弟綏東昂來請余文以表公墓泣曰吾兄之出處先生之所知也生不得大展所蘊沒而使之不傳何以慰亡者於九地之下乎先生幸發揮之則存沒均感矣余聆其言愴然良久述其槩而文以歸之若夫闢發幽潛以垂永世則有立言君子在係曰新公之先以國為氏氏派別支分以演以征鄭洋之族有名進士莊於西陽赫赫能繼海乘為更令聞長世迨公之身少有銳氣玉立英蜚美材小試年壽何其謹三十二幸有爾藏鮮爾非議窮碑新磨用詔來祀永

樂元年癸未臘月之吉

度宗諭祭文

惟咸淳甲戌正月日皇帝遣官汪立信諭祭前任湖北制置司制幹楊林之靈曰爾臣秉性堅貞矜忱篤恭起家孝友經猷素裕於鵬齡奪幟戎行智勇克伸夫壯志搏三千之鷲翮雲路聯飛歷百萬之貔貅漢江倒注力持宗祚平蠻而戰士安魂數解樊圍進策而敵兵喪胆奈何公忠死節頻教國步垂危處鳥獸之下羣天傾西北任烟霾之四塞星黯東南軍中應共含酸地下能無抱憾於戲紀殊勳於往日竹書增沒世之深薦令典於他年蘋藻美生前之報徽音不沫英爽來歆

易書二經通旨總序

陳高

予友趙伯起著易書二經通旨取經文意義之近似者比類而

條析之或會而同或別而異大而為天文地理細而為制度名物微而性命道德陰陽鬼神以至於先儒之訓詁凡有所疑靡不解決嗚呼亦勤矣朝廷設科以明經取士而試以經義經義之文易用程氏朱氏書用蔡氏之說二經及傳疏數千萬言學者誦誦尋繹或自少至老不能完一經及就試場屋主司發難則握筆矐視不敢措辭者往往有焉趙君獨能研精探赜貫穿融會解其肯綮縈剖其盤錯使習是經者得而觀之如獲指南之車不待闡途而越裳可至其於答主司之問也何有然則是編之有益於學者固不少矣雖然士之明經豈專為科舉計哉聖人之道非經不傳學者讀聖人之經則當求聖人之道是故明吉凶消長之理知進退存亡之幾而動不違乎時則深於易者也觀二帝三王之心考唐虞三代之治而以之修己治人則

深於書者也若夫迷溺於文字之支離而徒以是為進取之媒者亦豈趙君之所望於後學也哉

四書管窺序

陳高

聖賢之言夫豈徒言而已哉道所存也故凡求道者不可不得於其言不得其言而欲以明道譬之適國而不由其途未有能至焉者矣然聖賢之於言也或近指而遠或約而義微大而無乎不周細而無乎不貫載諸方冊宏深簡奧而其理寔具於吾心學者不可以易而觀之亦不可以僻而求之也夫以易而觀則鹵莽而疏畧以僻而求則穿鑿而牽附若是則日誦其言而不達其意其於求道也不亦遠乎孔曾思益之書載道之書也自朱子為集注章句釋其義理要其指歸而其說大明於下其辭詳以宏其趣悠以長天下學士所共尊信至於受業私淑之

徒又為之發其緒餘演繹增廣紛然聞見而層出背而違者亦
或有焉文日繁而辨日越歧愈多而道愈幽使讀之者不舍源
而尋流則棄同而即異君子蓋病之也吾鄉鄉先生史君父璣
苦求於學篤信堅守朱子之說反覆研究殆三十年遂取諸家
纂輯之編而去取焉乖戾者折而闕之隱昧者引而伸之旁通
曲暢著於簡牘名曰管窺抑可謂有功於朱子也已嗚呼立意
以為高好奇以為尚為學之大弊也管窺之作蓋為是與孟子
曰博學而詳說之將以反說約也學者由是以明朱子之說然
後自詳而反約以究聖賢之言則其為道也庶幾矣

林克公傳

後作

章壽

諱克字公勝思齋公長子也初偕諸弟肄業於護法寺不拘文
藝頗好弓矢每言唐太宗得天下何不可者詎必習帖帖耶逆

棄詩書務勳畧年二十隨父在任所會西遼變從征有力歷官
兵部主事陞左侍郎帝以宣撫使年老致詔公鎮守陝西路臨
洮初西遼屢寇自公鎮守以後咸鎮華夏遼人悚懼不復入寇
後籌公登諸弟以兄故皆感激思奮棄文習武遠從征伐每有
奇公捷奏悉封為將軍共守邊陲西遼自亦懾服者三十餘年
後為當道所讒宣公兄弟入朝不幸坐罪繼而感悟因立其季
弟仁樂公仍襲父職公辭勅贈兵部尚書扶柩歸葬於本宅鳳
輿盛之東妣柳氏誥封一品夫人

趙夫人遺囑

金敬

先妣字妙善姓趙其先世居四明系出宗室之後歷數傳而生
妙善者感朝洪武初任為憲部從事官母郭氏先妣生於元至
正庚子八月十七卒令正統庚申二月初六享壽八旬有一是

歲冬十月歸壟湖廣漢川縣治鄉之嗚呼敬不幸二歲而孤
實賴先妣養育以至成立租有知奉先妣教曰汝金氏子也世
為溫之平陽人父諱壽為國子生是時吾父官京師以卿曲致
命我歸汝家汝始生父授河源縣主簿卒於官汝等在襁褓吾
扶柩歸壟喪事畢家業蕭然殊無所持諸父奪我志俾汝子於
湖隸令二十餘年矣汝能念本源勤學問他日昌金氏之門則
我死且無愧矣言訖輒嗚咽不已敬泣而志之不敢忘敬自少
大學比長益魯鈍先妣每課敬夜讀書雖坐至夜分或四鼓亦
未嘗先寢倦則具茗飲則為糜粥以助勤苦靡所不至如是
者積二十餘年而未嘗改易永樂癸卯由應天府鄉薦明年春
忝中進士是歲以恩例授依親讀書時繼父官南京太學先妣
隨寓焉後三年敬以召至京師授浙江道監察御史繼父在堂

不忍遽復姓而籍貫之避有不可違者乃陳情以聞詔憫之賜
復姓金氏改蒞貴州道又三年繼父以國子監助教致仕疎漢
川先妣年已七十餘請留在養寓居北京之官舍又五年敬以
大臣薦出為福建布政司叅議奉先妣往甫一年而卒臨終謂
敬曰我不幸至此死後當歸葬漢川慎勿違我言汝能官守職
保終始使父有知亦無恨矣言畢而逝敬謹遵治命偕妻子護
柩歸漢川卜葬於先塋之側從繼父也敬守制墓所復陳情乞
終喪所司議不允欲置之法幸賴聖天子仁義特賜矜憫遂
宥之俾復任前職嗚呼悲夫敬罪孽深重大恩未報故不敢即
死乃以不孝之詞直述母教者如此刻之貞庶永遠子孫不忘
其聽自云明正統庚申月日記

君諱壽慶字仲修大父諱鉞父諱文九葬有年矣其長即曰
狀泣予銘於石述其言曰 性質遲鈍果能加人百已千之
亦未有不成者也 又曰 全活者甚衆尋以他事

誤赴京事白意將起復竟以疾卒於寓邸寔洪武己巳年十二
月十七日也距生於至正癸巳年十月初一日也享年四十凡
仲享函柩歸葬於鄉之金丹之原娶趙氏宗室之女壺範整肅
長男諱宇授思州府經歷次即敬永樂甲辰登進士拜監察御
史孫一觀一銘孫女五人君以仲子敬贈貴州道監察御史
卒其概如此銘曰困而能學力能自強壯而能行名日以
彰位不稱德後嗣宜昌勒銘於石永賈志藏景泰二年辛未月

日亥

朝議大夫福建左叅議金君墓誌

鍾津

君諱敬字敬伯姓金氏世居平陽之金丹鄉曾大父諱鎮大父
諱文燦皆隱德勿擢考諱壽慶授廣東惠州府河源縣主簿甫
四旬卒於官贈文林郎監察御史母趙氏宗室之敬伯世守
趙氏家訓勵志向學日記百千言金永樂甲辰進士授貴州監
察御史正統蒙恙君不避險要道善射矜力絕人適西戎擾邊
君受命往蒞在陳觀執弓矢射殺胡虜二人舉朝不稱賞正統
己未擢授閩藩左叅議持身端莊扶攝大綱僚屬盡皆敬憚晚
年致政倘佯閩里夫人王氏側室劉氏雍容偕老閨庭肅如王
氏無嗣女三人曰淑容淑安淑言婿則延平揮使轉授平海揮
使陸韶福州揮使高弼劉氏生男曰道銘女曰惠敬道銘充邑
庠生早世男婦徐氏邑西門醫學訓利廣之女惠敬適令鄉
揮使戴宏孫男曰玄祐亦不世幼亡女曰淑媛適周垺娘

君長凡諱宗字裡伯任思州府經歷無嗣女曰淑清適金千戶侯杜三世俱以無後以神勿歆非類故再族之孫曰魁學子道銘之後君卒成化壬辰享壽八旬有七塋所居里南上與之原夫人王氏卒於成化丁酉享壽八十有五後附塋焉劉氏附焉徐氏孀居居之甥將仕郎曹以第氏墓未立石持狀乞銘於予與君有世姻之親誼不可辭為之約言其概銘曰遙遙華胄粵自金天雲初秋起金舟發焉萬生二人祐後光前名登黃甲勇冠戎旅壇垣高擢玉潔金堅何以後胤之綿衍寔新德之永傳成化十九年辛卯十月立石

故迪功郎思州府經歷金君行狀

項佑

君諱宗字裡伯姓金氏世居平陽金舟鄉龍江里宗族藩衍代有閭人曾祖諱鎮祖諱國文父諱壽惠州河源縣主簿後以仲

子貴贈文林郎貴州道監察御史母夫人趙氏君生十一年而壽公卒第敬始四歲公與母夫人奉柩以歸凡喪事莫祭未嘗踰禮稍長讀書嗜學不類羣輩事母氏極其孝處兄弟極其愛待宗族接鄉黨交朋友靡不各盡其道以故尊長咸稱之以為金氏有子矣年二十居邑庠為弟子員從前進士潘公習舉業嘗以詩經薦辟而舉不利退而益自砥礪刻苦向學永樂丙申膺貢入南京胄監既逾年以勤苦致疾君請歸調理凡六載疾愈之京又一年遂政憲部讞獄訊因具有調理而未嘗少有過愆宣德戊辰授工苑署丞仲氏敬由進士入官拜監察御史同時在朝鄉人榮之為表其里曰聯輝里願其堂聯輝堂明年公以舊官復任改授思州府經歷其赴任也以母夫人年踰七十且思州道遠界於夷地不可以迎乃囑其弟御史留廉

師而以已之女侍焉間歲以公務抵一省侍每俸祿餘輒持以養其母其孝如此君之贊郎也其所屬官民俗強悍未易理君宣布德意勸課農桑以勤儉自持以恩信撫下凡巨細庶務一以公道處之雖土豪權勢不敢干以私乎居性剛直多耿介不喜飲酒與人無諂諛而亦不肯屈於人由是吏民信從簿書清閑持為郡守王公所信重正統戊午冬十二月以述職來朝退拜母於仲氏御史之館度叙未幾乃得寒嗽疾甫半月而終在己未歲正月十二日也時母夫人年逾八十仲氏適以大臣薦授閩藩左政參議將行以君遭疾未果至是其衣冠歛君於正寢而以君之女舉禮承事焉悲夫君生於洪武辛酉六月日享壽五十有九允兩舉娶同邑李氏從愈之女常熟知州之繇也俱先卒繼又娶 氏子男一人在思州女一人在空

即養祖母者也孫女一尚幼參議公將以是年二月遣家人奉君柩歸平陽葬焉謂余與君同門而相知最深俾述其世系行寔以求銘於當代立言君子圖其不朽正統己未二月賜進士出身奉訓大夫臣眷項佑頊首拜撰

蘆學浦社學碑記

王約

魯論首章開口便是學字學者何學其為善也人無有不善水無有不下但有不善為不學所致如水過陂為搏擊使然非其本性也所以古先王慮人之為不善必設庠序立學校以教之九而有師儒之繫六俗有師儒之聯使磨厲以須浸淫日久養之者素感之者神則起於鄉也南監舊有文社為鄉先型楊太玉先生課讀處四方來學者俱得其淵源今猶傳述不少袁息泰庚午燬於寇棄為淫祠其祠孫星復能繩其祖武恢擴其

基而重創之經營既成規於甚善余豈其事為文界立石記之
顏曰蘆浦社學俾儒橋仙岩之居等處相繼依規次第舉行治
自南監來者告以連年擇師訓子弟功課不懈余聞而誌之曰
勉之曰吾人必讀書聖賢書而後明禮義知事情否則生性雖
善猶欲蔽之昏昏焉茫無覺其近於禽獸也幾希聖賢詎生而
知之者亦必孜孜汲汲從好古敏求而來以故差之在毫厘失
之即千里為小人為大人善不善學不學之間也社學之係於
人也豈淺鮮哉弘治甲寅月日記

敕封楊十元帥建寧公功德碑文

胡賓

夫以七尺之軀徒思托庇宇下長享太平之福此飽暖者之為
量而不可以概志士仁人吾人生三代下所讀何書所學何事
身未與天下為用隱存忠君報國之忱則以天下繫一身身既

與天下相關顯酬安上全下之謨則以一心濟天下為千古完
名節之人即為千古立綱常之準若此者吾於建寧楊公見之
矣公邑之南監人幼即博學群書習兵符多伎倆以武弁授千
戶所至正癸巳年閏括賊盜蜂起毒流溫境公與周嗣德誠德
俱有智勇名嗣德奉檄權平陽州誠德陞參將相與廣結義兵
勦洗群梟擒渠魁金翁端李師吳第伍等其餘黨雖敗波猶平
也越明年再破張希伯於西溪掃清煙瘴山野又安績方明善
據溫會海寇巨艘蔽江合攻平陽城公與誠德童瑛項伯文等
追之薊山力戰之不克為麾下林漳等負洩軍機遂各敗績城
破而蘆浦城亦下誠德被執罵賊遇害嗣德拘於禁公猶率義
兵二千餘人廝殺二晝夜於荊塘嗣德獲解公員重傷奏凱而
亡聞者哀之洪武庚戌初封建寧忠勇楊十元帥崇祀報安院

贈其妻為茶人子為承不即一踏海戶司嗚呼孰不欲生太平
無事之秋而為逸豫之民必斤斤焉從機變百出中登山射虎
入海斬蛟窮其力而後已於此知主死於患難而身立其功身
死於艱危而君全其國則不求忠而忠益彰此豈懷能煖偷安
旦夕者所能測其高深哉若公者真無愧於志士仁人矣今春
其世孫茂洋等僉請移廟於林家院之泰安宮春秋祭享以頌
功德則公之死而猶未死也於是樂為之書天啓丁卯歲月日
記

先公主事府君買錄

陳宣

公諱序字惟倫行恭六號植柘姓陳氏勅贈承直郎都水清吏
司主事其先正器公唐自穎川遷平陽縣柘園世居之十三世
祖鰲公為公以凡弟連登進士俱第一世稱武狀元是也他若

應鰲公若水公瑀公皆以進士世其家國初以誠公與公曾大
父均用公為從兄弟以誠公薦拜雷州經歷均用公厚贖不忍
別去至今傳頌大父叔議公父閻十二公世稱厚德為積善家
者式母楊氏生公凡弟五人公次三最友愛獨五弟早失怙恃
公為擇王醫家無不周至正統間父嘗遭疾母禱以身代無已
聞以子肉能療親疾遂卜日齋戒籲天以夜靜封左股作藥以
進不愈又到右股如前進竟至三封而心猶未已公之心何心哉
天地鬼神為之動也况人乎館閣大老若李公東陽謝公遷吳
公寬輩聞作詩文以褒美之帙名考行集其載江南文獻錄東
嘉先哲錄于州誌歷歷焉誠之不可掩公有之始公以社學師
起家若從叔閻十九公閻廿二公母舅楊公茂七女兄大鄭公
昌小任夫縵九二雅相與說有通材之義公皆竭力報之而每

嗚為我厚報也以德報德公似之有異姓臣惟政債公食祿及饋惟
政失籌十石造事畢公覺謂政曰汝失籌數當補汝未完公之不
人類此公飲食時遇貧困者未盡與之衣可解者解之不吝州里橋
梁道路尤廢壞即者即時修補嘗同仲兄樂隱公創仁石橋以濟安
要衝公施恩於不報又類此公喜釋老經典日夜勤誦要以慈祥
過甚而無他讀易得大旨若先後天方員度牒著法皆無師授
而自得喜詠吟有植柘集藏於家娶白沙方氏有淑行先公十年
卒繼母許氏皆聯公勅封贈如例於子十三長宣雲南奉政致仕
次冠邑庠生屢鄉試不第卒以義榮三寶陰陽訓術女二長造
夏口吳明德以疾不字惟買黃出公蚤有志用世不樂果專以易
訓宣嘗曰汝伯父仲能公讀易皆千遍日夜通誦無滯汝學之遂成
成化戊子鄉試我母不及見而公見之歲丙申二月三日公年六十有

二卧疾行易筮丁耳而嘔曰宣汝當官日慎毋貪毋酷語畢而
逝痛扎丁酉十二月吉合方母窆於椅山祖壠之旁越辛丑宣
始第進士拜工部都水清吏司主事弘治改元又明年庚戌以
本部員外郎奉命差河南江西福建公幹始得歸家焚菑併如
制冠服於墓前回京復命調刑部陝西清吏司員外郎壬子秋
陞本部郎中尋以公累謫夷陵州知州丙辰陞河南府知府壬
戌陞前官凡歷官處考語若工部賈俊高書事功卓異於時輩
聲價出乎尋常林俊憲長守不失初改近古周季麟方伯學古
而能行乎古變今而亦宜於今綉衣李翰心純古道政協時中
董簫崇重先賢而不畏權勢陳道都憲端本澄源化民成祐俗
吏部兩考篤學守己稔古愛民又重行檢以立身循古制以行
政凡此皆遺嗚所致甲子雲南表自陳致仕奉詔進階一級

得保全林下始立公敕命石少加勸焉宣自懼年力衰憊恐於公實行不能大昭於時遂~~撫~~拾一二刻於石以俟大筆者採擇焉正德三年戊辰七月丁酉孤子宣泣血謹錄

潛齋先生傳

王朝佐

潛齋先生姓陳氏名宣字文德浙之平陽人父贈主事君以孝聞嘗割股療其親疾居柘園有植柘稿傳於世先生幼奇巖穎拔早從嗜古楊先生遊嗜古深器之既又交諸楊輩所以究易者甚悉成化戊子領浙鄉薦辛丑魁春榜二甲二名賜進士出身個僅高致時譽倉然授工部都水主事治徐沽頭等處開河開河之制漕運為要官次之民又次之蓄淺不以時則公私俱困艘艦解艦至日以千百計豪傑奔先水爭訟紛起先生立法嚴而小令濬閘有期處置有方事簡民便沽頭無水部治先生

曰臨民立政非公署不可乃營工部分司於治之前曰集各有屋宇以集民之無依者居之就役其力東西集凡若干家甃中為巷蔭以槐柳巡以警鐸什伍其人貿易其地擇可者旬讀其童子遂成市焉特巡河即中巡撫都御史皆欲創新開先生陳利害乃已省民費幾萬緡中貴有以殊忌特起者至則張威福甚雖達官鮮不望塵雅拜先生不為禮長揖而已聞者嘆異弘治改元陞虞部員外郎點察禁門器務盡其心中貴欲新行事厥同列難之以推先生先生不辭挈財試工以上下其宜中貴不得利而之復請記其所立碑先生復不屑改刑部陝西清吏司有御史葉奏府儀賓人命為中貴所怒及中貴奏家人盜財者皆欲論死先生議曰言官不可死盜財者不應死刑其可濫耶久之卒是先生議尋以化累出知夷陵州復歐陽公至喜堂

自元州俗信巫男坐女曰先生毀淫祠百數教以浣紵成布之法夷陵人始倍巫祀先男耕女織其俗殊易名稱藉甚惟訂南府知府洛人知先生之為夷陵也莫不慶賀先生治之以寬事不勞而辨民不罰而化初河南之命下先生良喜曰吾不得遊程氏之門得遊秦程氏之墟足矣至是創二程祠祀及其門人而吾鄉先哲十一人與焉重刻二程全書修郡志新府學立伊月周公祠其胸次灑如也河南府附庸藩集孰不善事上官先生以正理辨是非爭可否藩司嘗檄府取舊藏銀十萬而欲二十加一先生曰前官封識足以款便休今必將加之加諸官乎抑加諸民乎民困久矣詣司堂論反覆移晷刻不可則納書行御臺論之得罷加賦閣老劉公象宰馬公皆藉河南先生不為猶態二公重之壬戌陞雲南左叅政成橋梁興水利表忠

賢歷磨就緒方欲有為而以捧進慶賀表文當行中逢遭國哀例免武勅速返雲南先生嘆曰功名徒累人逆上章懇乞歸田里已而優詔批答許致仕家居修歸祖父墓立墓表墓田為壽藏以養大觀作室宇以容家衆教子孫以待頭角條理井井遇蒙令工是帝覃恩進階一級優游桑梓日與圖書為伍叙所作文章典雅暢快悉藏於家先生為人瀟散坦易不事邊幅而剛直之氣每形諸辭色故與人寡合然名溢海內云論曰朱文公有言凡陽必剛剛必明明則易知陰必柔柔必悄悄則難測故大易以陽為君子陰為小人味斯言也亶其旨乎然則潛齋先生之必為君子也夫誰間然夫誰間然正德六年辛未十月日

慕萱堂記

慕萱堂者吾鄉金舟鄭豫亭君其息親之堂也豫章早歲母喪

與仲豫芳每曰風水之感悲不自勝乃額其堂曰慕萱以屬無窮之思焉是豈有所為而為乎天典民彝之不能自己也今予春豫芳介友人董仲芳以斯堂謁予徵記予思世之孝子仁人名其奉母之堂有曰養萱曰樹萱曰壽萱至若母氏既沒而以慕萱名堂者吾於鄭氏豫章伯仲見之鄭為我平著姓世以馨纓顯耀為諸族最伯仲皆循循雅飭絕無一毫綺紛態且知嚮慕日以讀書尊親為事每於奉養嚴翁之餘退而相顧泣曰肥甘輕暖矣所以奉吾父者雖欲致一日之養於吾母得乎既而又曰吾母不幸不逮養矣吾以是抱終天之痛然又幸吾父猶存吾安得不及時申其高鳥之情乎當此之際孝子永慕之懷與愛日之情蓋有不容已者矣是雖天典民彝之不能自己亦其天資之美學力之功有以充其良知良能以至此也顧吾於

吾子之名堂重有感焉吾子固不幸萱堂見棄而尤嚴翁壽考豈若予之父母俱亡大不幸乎而予亦安忍記吾子之堂乎抑予之望於吾子者又不容已於言也傳曰事親孝故忠可移於君矧吾子生逢盛世年壯氣銳誠能移其所以事親以事其君則必能樹功立業異時國家推恩以及二親始見雲漢之章昭回於雲錦雨露之恩涵濡以存歿山川為之騰彩草亦木為之生輝然則事君之忠何莫非顯親之孝乎予其勉之予日望之是為記正統丁卯仲冬月日

臨清軒記

陳善

余友鄭君月祥早歲遊鄉校比遭愍凶而志勿克顯揚君先業素饒既而構新第於舊宅之右落成復於西度地展而鑿之遂而池之文導河流於其中植異卉蔣修竹圍其旁而置別軒於

池上既完美揭諸名曰臨清以為宴遊藏修之所無何君遽臥疾莫興厥配宣聖裔祿惟明翁女也賢而有德君在克相其爭君歿善操其冢不落且振以盛年而茹荼苦抱孀居以綜理中外撫二孤以育以誨不懈於時令哲嗣昆季貌頽然頭角斬然底成人道克樹立而為族之俊茂者皆藉孔氏折衷之教也予嘗履其軒見壁多題咏皆往來賢者之詩歌為之頽瞻吟誦不輟而哲嗣喜予至內誨母孔氏母具命款予於軒出酒而壽仰觀俯咏感物徘徊流連竟日蓋宛有晉人風焉余觀臨清之勝左列圖史右陳楮筆直欄橫檻清簾翠簾不質不華滿酒明淨林濟初夕水光蕩漾鴉鵲不爭風月時至以之奉慈顏展孝思伯宇而損仲氏而荒綵服霞觴其極無極然或所誤既俟情曰事感而坐其中者寧有不觸景而興懷耶予晨興鄭善文而知

哲嗣名軒之有意乘醉酒墨而書愧無以并之而唯告之曰臨清流之清當知其源之潔繼志述事無忝所生可也言之不足而又贊以詞曰清清者流翼翼其軒臨之伊何思澄其源源既澄矣當返厥身戒身之生宮亡字親彼軒翼翼其軒臨之伊何思澄其源源既言濯其纓纓既濯矣當滌其身身苟能潔德斯日新言竟生攬涕謝曰當終身佩服之請書之以為臨清軒之記生名諱字秉賢仲名譽字秉升世居邑金丹槎溪即今之南樓云景泰辛未夏月日

皇渥流光圖序

魏一恭

夫魚佩龍章楓階之符斯錫槐庭芭水瓜瓞之慶允延業摩懿而勿縣思有章而罔殄世德遺芳皇皇乎不可貶已江左闕門山東胄族咸以纓組世聯吳鼎國勒鴻代滄寵冠冕當代然未

有神明濟發於這年勛烈翁鬱於奕裔如保之感者也自為內
肇蹟胡公拓基奄啟齊甸鏘然飛鳳之繇敬伸衍其祥匡時長
俗增然應覽星之象太邱御其芬糾遠彌直氣然登凌烟之選
叔達紆其黨鉅卿名彥紛紜史牒蓋靡得記述云爾其荆山先
生出皇涯流光圖以示且徵序於予展玩開曆金拖玉飛綵飾
佩或貴登鼎鉉或職直階闈或莞鑰濼聞或領袖庠序貂珥襲
於數朝龜組標於累葉信神明之後而皇澤之漉也已乃按圖
誥蹟詢名采實始祖瓚公以仁惠扞衡陽彥才公以節概抗朝
廷彥用公以忠赤懾金人彥常公以諫諍蓋臣規兩與雲霄以
嚴明肅紀鷲典鷲以文武冠弁與光以知畧奉朝謨謀經濟濟
平頡虜又有叔魯德茂宗亮諸公之忠勇為至藩伯潛文而公
濯纓當代蔚為良翰荆山君龍川君復以文行師表舉髦聯睞

先達思榮德美彪炳乎後昆語云積善之家必有余慶不其然
歟余嘗歎王謝堂燕房杜家聲一時烜灼非不蒙隆渥也迺厥
後沉鬱草莽降同興見此何以稱焉及觀諸陳薦承國恩啟家
祐斯所謂世濟其美者非耶柯夫主德而下忘報者悖也祖烈
而後不揚者踏也荆山君恭圖忠孝脩矣將使後之人鋪陳繹
思綿衍而貴誦之其不允遠而有耀乎哉昌世莫京蓋自古識
之矣荆山君起而謝曰豈敢專承其自先公以下寔佩善之賜
再拜請書以竣來哲

嘉靖己酉歲季秋月日賜進士出身浙江按察司副使前奉勅
提督廣西學校魏一泰恭頌首拜題

書香遺蹟

高起

超自第進士歸來謁荆山先生墜坐於芝蘭之室詔超曰此書

香遺蹟也為余一一記之夫香豈天地間為瑞氣花非一種木
犀紫蘭馥郁廷階佳子弟以之况於書乎邱墳索典謨訓記告
人之誦之家之傳之舍英咀華馨香斯發固有折桂瓊宮探花
翰苑者矣郁郁世馨而千百祀無數數而或限於遇則亦義禮
門津遊藻思為儒林名師長其所甲茁而挺拔者又出於身自
致之之外然則書何負人哉先生浙平陽仕族貞觀中衡陽令
瓚讀書鳳凰山下歷宗鰲鸞狀元及第其曰彥才曰彥常者則
惡秦檜致上卿隱荆山獻地建學人稱絳里陳氏先生去才常
甫幾世一經相承餘香未艾而先生之弟曰洽者同貢京師領
教諸城先生之侄曰侶由國子祭酒湛公以宏才首選奏修國
錄子徑隼永能文章蓋科第奇才云夫以先生上有列祖開經
學之傳中有昆玉衍經學之緒下有寶桂謝蘭以敷其芳於無

疆則書香之遺豈曰今之云乎先生名博字宗望教益興且滿
考矣其所造就士不下千餘人書之香以非但家傳已也
嘉靖庚戌春王月日賜進士第觀都察院工部主事門生高撰

公請崇祀鄉賢祠文

鄭思

竊惟好是懿德人有同心闡厥幽光鄉推先正儒行允垂為坊
表祀典宜配諸膠庠茲以十一都南監邑庠生楊謨性成孝友
志希聖賢既聚順於庭講復和恂於黨族浮屠不惑潛修書座
右歲銘風化克端課讀著渚南家訓蓋生平心能樂善學在
身窮堯効一得之誠桃李植滿庭之秀質獨知之薄記盟心番

朱墨之書稽正書之源流論道守洛閩之派所以傳經日切
字人多功勿囿於詞話詞章音不離之弟忠信童蒙養正披

設為善誘

於前哲撰史十餘卷

茂實深

廬江之鄉約歡洽比

鄰薦文苑於朝。邇艱場屋友朋道。義密通相親。即錄弓。日
然勿就洵先民之矩矱。作後進之津梁。士品已完。英年不祿。
列警宗之祀。以符尸祝之公。伏冀博採咨輿論。詳請明禮雅化。
式彰儒風。丕振共沐。思光於無既。永為德教之長垂矣。

送黃省祭還平陽序

張翥

儒與吏進用之志一也。其振作之機存乎士之人而已。蓋嘗聞
劉晏之言曰。士陷贖賄。則淪棄於時。名重於利。故士多清。務吏
雖廉潔。終無顯榮。利重於名。故吏多負污。斯言雖切。時弊夫豈
人性之本然哉。禮義廉耻之心。人孰無之。古之蒙傑。起於管庫
刀筆者亦多矣。自夫科舉之學興。而儒吏之途益分。由是儒有
進而為公卿。吏雖有能。止俛首為倉庫之流而已。亦時之制也。

於是上之人視吏為甚輕。而明揚之典。勿及吏。自視為亦重。而
振拔之心。不萌。使晏之言。迄今愈信。是誰之過歟。甚者於吏役
之以私。而奔走之如輿。臺焉。夫吏之役。雖卑。使之奉行文書。役
於君事。可也。而吾不能振作之。三車微之一。至於此。不已甚乎。
苟非其人。卒反為吏者。背指而詬病之。是徒以區區輕重之名。
必親相役耳。則何益哉。吾鄉黃君宗德。大家器也。由吏而注。明
於銓。銓於家。乃持撻曹名。且錄謁。予辭歸。其志可知矣。予方
宦第。將以儒入官。獨患不能相在上者。為辰乍之方。而猶不
為吏者。詎病焉。故書此。使相與勉之。

四十初度春日對酒書懷集唐

陳韶東燭

年紀蹉跎四十強岑考不離名教可顛狂韓偓茅山頂上攜書

鹿皮日仗閨苑花前是醉鄉許高士例須憐地葉韓愈故人

遙憶隔瀟湘劉滄雍門琴感徒為爾李紳春日偏能惹恨長賈

至不知經世竟如何溫庭筠可要栖身向薜蘿方干白酒釀來

緣好客呂岩青衫脫下便狂歌姚合題詩朝憶復暮憶陸龜蒙

流水前波讓後波劉禹錫我是夢中傳彩筆李商隱空令歲月

易蹉跎李頎尋章摘句老雕蟲李賀鬢惹新霜耳藩聲韓偓不

為困窮甯有此杜甫可憐鉛槧竟何功杜牧玉琴閒抱看山坐

朱慶餘春酒相攜就竹叢王昌齡白日當空天氣暖元稹松醪

一醉與誰同李商隱踏得蒼苔一徑深司空圖醉時心勝醒時

心白居易欲親往哲無由見李中話着名山便擬尋張翥公昔

世間惟白髮杜牧高堂何處有黃金羅隱春叢定是饒棲鳥
商隱隔葉黃鸝空好音杜甫高視乾坤又可愁杜甫何堪重倚
仲宣樓帝位知音自古稱難遇韓愈才子非關厭薄遊錢起望
闕未承丹鳳詔僧太易設屏惟畫白蘋洲李中名場聲利喧
在章禍誰是言休即便休僧貫休春風相引與詩情及日休道
貴謀安迹易平司空圖世事茫茫難自料韋應物生涯擾擾竟
何成武元衡灘頭鷺占晴波立常莊池面魚吹柳絮行韓偓待
學向平婚嫁畢權德輿無家無累一身輕施肩吾繞屋幽幽樹
影斜唐入門果是舊生涯薛逢林間掃石安碁局許渾醉裡
長歌揮釣車元結稚子無憂走風雨杜甫迥妻相共老烟霞秦
系靈椿朝困由來事韓偓肯信流平鷲有華羅鄴莫怪追歡笑
語頻鍾離權混時行止却應真李咸用本來薄俗輕文字司空

溫州